

明
詩
紀
事

明詩紀事

貴陽陳田輯

乙籤

施槃一首

槃字宗銘吳人正統己未第一人及第授修撰

懸笥瑣探正統三年吳學得舉者三人周郁爲春秋魁第四名張璩第十一施槃第十五旣而赴會試槃咏蝴蝶云莫怪風前多落魄三春應作探花郎己未果狀元及第

送友

楊柳含煙翠欲流
楊花飛雪點行舟
春風送別淮陰道
落月唳鷗動客愁

倪謙十四首

謙字克讓錢塘人徙上元正統己未第三人及第授
編修進侍講景泰中進中允再進侍講學士預修實
字通志進春坊大學士英宗復辟改通政司參議兼
侍講進本院學士坐科舉事戍開平成化初復學士
尋授南禮部侍郎以言官劾致仕旋復職進尚書卒
贈太子少保謚文僖有玉堂南宮上谷歸田等集

四庫總目三楊臺閣之體至宣正之間而極弊元周虛
廓幾於萬隊一音謙當有明盛時去尚輩典型未遠
故其文步履謹嚴樸而不俚純而不陋儼近三楊而
無其末流之失雖不及李東陽之簡卓一時然有質
有文亦彬彬然自成一家
田按尚書在朝頗稱躁進卒以萬安銘墓尤致譏議
詩不爲選家所稱余觀其七古勁健拔俗不愧當家
固不失爲一時騷雅之選也

題山水畫

蒼山疊秋晏巖壑鬱蕭爽虛亭闕無人古道絕來鞅雲迷遠
近村樹隔東西溪安得濯塵襟中林恣幽賞

石蒲畫

齒齒水中石嶺嶺石上蒲清風一披拂疏翠自紛敷宛若避
世人悠然山澤癯坐疑碧溪月移影在庭隅

題蘭贈潘景瑞

叢蘭在幽谷皎潔冰雪姿光風汎疏穎白露凝華滋我欲結
爲佩采芳薦彤輝惆悵隔澧浦路遠莫致之悠悠十年別迢
迢千里思含情託毫素永固同心期

山水畫爲祝給事題

連峯起伏如蟠龍幽壑下浸馮夷宮溪深水長足魚鱉時有

扁舟垂釣翁人家幾簇依林薄共食溪鮮有眞樂黃鳥嘯殘
碧樹枝白雲鎖斷青山腳錢鏐之孫寫作圖筆法不讓方方
壘當時清隱宛在目萬朵芙蓉浮太湖我亦有居環水竹西
風吹老干竿玉披圖日夜憶江南夢繞溪頭舊茅屋

題李瓊司訓廬山圖

圖爲顏夏官所寫

我聞匡廬鎮南服云是禹貢敷淺原崑崙支脈遠分析衡岳
五嶺遙相連層巒疊嶂數千仞五老香爐凝翠煙水簾一片
瀉空濶元氣噴薄銀河懸昭明舊隱在何處中有古寺名開
先漱玉之亭最奇勝飛瀑正注神龍淵棲賢谷西白鹿洞李
渤讀書今幾年平生慨想不一到夢繞落星湖水邊五羊顏
君南海客筆奪造化天無權青山蜿蜒欲飛去滿壑浮雲紛

擘縣澄江浩浩渺無際但見萬里乘風船漁村樵徑遍林麓
有路宛達諸峯巖披圖可望不可卽似隔弱水觀蓬圓高堂
素壁時挂此頓使襟懷慮慮錫何當把酒呼坡老共和六一
山高篇

題山水畫

碧山插水江無波小舟一葉如飛梭山光壓舟載不起滿目
排空橫翠蛾中林可是楊雄宅路指巖阿放舟入問字須教
酒剩搗誰識先生立尙白苔封蘚蝕一徑微綠難古樹環荆
扉陰嵐漠漠每入戶空翠濛濛常濕衣夜來一雨經林莽添
得江聲滿前浦開門萬壑總浮雲吞卻山根猶未吐幽林雅
好能無同一簇人居淺東危橋策杖從小童來往惟應桑

苾翁

商山四皓圖

商山鬱嵯峨中有三秀芝四皓此避秦採擷充其饑羸網高
張正流毒冥鴻矯矯安能羈一朝軹道口銜壁萬方耿耿炎
精赤據床嫂罵溺儒冠巖穴深藏甘斂迹誰知衽席間以愛
迷至公偉哉留侯建奇策禮幣直走商山中翩翩乃偕來願
爲太子死赤帝見之驚公胡至於此把酒相看意悽悽黃鶴
歌殘淚如水一出重九鼎漢業安如山拂衣不受萬鍾祿爲
樂孰似商山閒高風渺渺仰圖畫名與茲山同不刊

湖口石鐘山爲庫部王郎中恕賦

彭蠡之口兩石鐘上下壁立金芙蓉何年鼓鑄出爐冶造化

融結當洪濛山靈昔聞訴眞宰帝令疏鑿驅鬼工雕鏤險陋
向山麓空洞穴隙紛玲瓏鳴聲底用事撞擊自有巨浪乘長
風何殊張樂洞庭野大音迭奏聞金鏞五老分明俯垂聽鏗
鉤震撼馮夷宮爾來世歷千萬古至今追蠶懸高空坡仙常
年適臨汝沿河南去路遙通平生好事此足見放棹特過湖
水東月明夜抵絕壁下怪石正與風滿衝噌吰鏗豁互響應
寓目始得窮竒蹤此景居民久應識口不能道嗟源翁我皇
曾此戮鯨鱷攀崖上登山閣中龍香落紙灑宸翰滄江夜夜
光如虹憶惜黃華使荆楚奈予王事方匆匆天生佳景不一
到悵望思逐南飛鴻

送宗華上人主杭普福寺

祖印相傳屬惠能蕭然廬外一高僧遠歸天竺湖邊寺暫數
長安塔上燈紫竹秋巖和月卧綠蘿春徑撥雲登何當躡屨
分清賞共指雙峯話葛藤

題畫

移家白雲深靜枕清溪曲日暮門不開茶煙滿蘿屋

題花卉翎毛

簇簇海棠枝雙雙頭白鳥何處聞一聲春風瑣窗曉

寄仁和聶司訓

絳帳隨車去莫攀詩名重見動江關畫船醉倚芙蓉露吟到

西湖第幾山

閨情

片片飛花迎水流
園林綠暗不勝愁
斷腸無計留春住
人老東風燕子樓

墨竹推篷圖

倚風爭舞翠雲翹
半啟篷窗酒暈消
薄暮欲投湘浦宿
隔江誰弄紫鸞簫

張諫一首

諫字孟弼赤水衛人
正統己未進士授行人
進御史累遷順天府尹
坐事謫萊州知府擢太僕寺卿

田按吾黔有進士自孟弼始
先世自旬客來卽洪武中
進嘉瓜張觀後裔也孟弼
以孝著父母沒廬墓再
產芝人稱孝芝張氏

望古

賦心旣傳盛經術復開尹竝興巴彭城名德乃與準牂河處
荒維因此山嶷嶙如何初郡縣賢俊已連軫人文張華夏覆
載詎哇吟乃知豪傑士不受山川窘遙遙今幾世嗣響何泯
泯望古一長嘆負重愁絕韻

楊璿一首

璿字叔璣無錫人正統己未進士除戶部主事歷郎
中遷山西參政進陝西布政使改河南入爲戶部侍
郎改右副都御史巡撫荆襄移撫河南有宜閒集

輓李桓仲

不見邱園起孝廉白頭蹤迹竟長淹竹香醉裏秋三經草色
吟邊雨一簾落日山陽聞弄笛春風座上想掀髯傷心多少

門人淚洒向梁溪水欲添

成始終一首

始終字敬之無錫人正統己未進士除御史出爲湖廣按察僉事有蓮菴觀光紀行等集

發桃花口直沽舟中述懷

直沽洋裏白沙村百丈牽船日未昏楊柳人家飛海燕桃花春水上河豚養高無計尋韋曲投老何方覓謝墩只待干戈平定後草堂歸飲獨山門

張和三首

和字節之崑山人正統己未進士授南刑部主事進員外遷浙江提學副使有篠菴集

國雅張節之寓目成韻風彩醞藉如秋聲兩岸葉晚
色萬峯雲積水浮仙嶼寒星伴使舟水螢飛不定沙
烏宿還驚至典朱千戶夜話云潮海地荒龍駕逸交
河風急雁書沈此政英廟北征時也情之發於忠愛
不渝能
自慨切

爲陸以平題畫

九疑空翠隔煙波北渚雲橫有雁過欲采芙蓉寄離恨碧天
秋晚奈愁何

至晉陵作

布帆搖曳夕陽斜渡口南風起浪花路入晉陵三百里故鄉
回首是天涯

晚渡石湖

畫船搖曳水雲鄉湖上南風作晚涼醉擊唾壺歌小海藕花

飛出兩鸞鷲

祝願一首

穎字惟清長洲人正統己未進士授刑科給事中遷
山西左參議進參政有侗軒集

途中卽景

野曠雲初捲山晴翠欲流殘陽牛背笛新月水邊樓異土逢
佳景危途得勝遊浩然襟袍豁清興落滄洲

劉儼一首

儼字宣化吉水人正統壬戌第一人及第授修撰歷
右春坊大學士太常少卿天順初改掌翰林院事卒

贈禮部侍郎謚文介有文介集三十卷

田按景泰丙子宣化主順天鄉試聞臣王文陳循子
不中飛章搆陷考官賴高穀救獲免宣化尋卒得諡
文介倪克讓詩云飛章交構徒爲爾美諡玉成文介
公紀其事也宣化嘗云翰林之職清高固可喜淹滯
亦可歎譬金水河中魚化龍之期未可必有而網罟
之患則可必其無可謂善喻

贈西溪遺叟

幾年習隱向西溪喬木陰陰徑路迷階下雨晴苔色潤窗前
春近草痕齊閒來縱酒惟高枕老去看雲只杖藜卻笑五侯
門下客紅塵騎馬日栖栖

呂原一首

原字逢原秀水人正統壬戌第二人及第除翰林編
修歷中允侍講學士左春坊大學士天順初改通政
司參議兼侍講入內閣預機務進翰林學士卒贈禮

部侍郎諡文懿有介菴集十二卷

輓陳僖敏公

總握臺綱肅穆風頭銜晉秩到三公遭時寵賚承優渥垂老榮歸保始終鶴髮方遊鱸浦外龍泉遶閩虎邱東當年節鉞臨關峽韓范威名孰與同

黃諫二首

諫字廷臣蘭人正統壬戌第三人及第授編修累官翰林學士天順初改尚寶卿坐事謫廣州通判有使南稿蘭坡集

列卿紀黃諫工詩善書旁及宋元畫家吹毫運思一

珠妙

畫史會要黃諫在翰林能各體書尤精繪事館中壁

舊寫白榮其上題者先後數百人一日圯原共惋惜

諫一一書之并
繪白茶如舊

將進酒

將進酒歌莫停人生不滿百酒盡還須傾吁嗟世事只如此
常醉何須誇獨醒君不見東家有酒不解飲西隣碌碌勞此
生如何劉伶終日醉千秋萬世留其名

從軍行

白骨蒼煙晚黃雲塞草秋貂蟬雖足貴聞說出兜鍪

韓雍二首

雍字永熙長洲人正統壬戌進士除御史擢廣東副
使進右僉都御史巡撫江西改山西副使以事下獄
奪官尋起大理少卿復爲右僉都御史巡撫宣府大

同入爲兵部侍郎坐累貶浙江參政擢左僉都御史
進左副都御史提督兩廣軍務再進右都御史正德
中謚襄毅有集十五卷

田按襄毅素爲武功伯徐有貞所輕有貞自金蘭救
還時仰觀天象謂將星在昴益自負常以鐵鞭白隘
數起舞及間襄毅征兩廣有功乃擲鞭太息曰焉子
亦應天策耶初賊蔓延兩廣議者謂當分兵撲滅襄
毅決計全師直搗大藤峽始至峽口備生里老賊數十
人伏謁道左願爲嚮導襄毅此左右縛斬之果賊也
賊大驚曰韓公天神也麾兵奪橫石鼎及九層樓計
險邱文莊濟凱歌所謂一夜山靈驚失險回頭不見
九層樓也大藤峽延廣六百里中有大藤如虬橫互
兩崖間襄毅先後破賊三百二十四砦并大藤斷之
易名斷藤峽勒石紀功而還自作平斷藤峽長歌以
紀事所謂大藤根株悉已斷五嶺封疆眞再造也

苦雨阻風夜泊劍江龍霧洲述懷

積霖殆三旬陰雲不能掃深江浩無涘滔滔走黃潦怒風長

號鳴排空雪山倒東作已逾時耕子心悄悄百穀未始播平
疇尚豐草農事或荒廢生民曷溫飽蹇予德淺薄致此災沴
兆惕焉發深省中懷自憂悞誰能補天漏捧出日杲杲雨陽
允時若稼穡遂堅好維舟坐終夜無計叩穹昊古聞誠可格
我但精意禱

隔凡洞

洞庭林屋洞天中有大書隔凡二字鏤之石上
小洞因效之以名 劉僉憲延美小洞庭十景

之

林屋洞天好似不通人寰君家小石巖亦在雲水間紅塵自
南陌樂事非東山辭榮休此中世事無相關

卞榮一首

榮字華伯江陰人正統乙丑進士官戶部郎中有卞

郎中集七卷

四庫總目榮在景泰間盛有詩名居郎署二十年朝騎

甫歸持續乞詩者捧塞戶限日應百篇湯沐公餘日

錄盛稱其狀元自是渴睡漢宰相須用讀書人一聯

以爲雖有剪裁無痕迹蓋亦偶才然所作亦多淺

率蓋得之太易也

麓堂詩話詩在卷冊中易看入集便難看古人詩集

非大家數除選出者鮮有可觀下戶部華伯在景泰

間盛有詩名對答揮翰敏捷無比近刻爲全集殆不

逮所問烏衣佳話詩人志向各自不同如題漁父之作有美

其山水之樂者有憫其風波之苦者下戶伯華伯云

天外閒雲物外情功名真似一絲輕浪花深處船如

舞只爲心安不受驚祝希哲云我花風緊水生鱗山

色淨空淡抹銀總道江南好風景從前都屬打漁人

是皆羨其樂也李西涯云漁家生事苦難勝盡日江

頭未滿鬢回首不知天已暮晚風吹我雪崩鬢唐子

畏云朱門公子饌鮮鱗爭說金盤一尺銀誰信深溪

狼虎裏滿身風雨是漁人文徵明云小舟生長五湖

濱雨笠風蓑不去身三尺銀鱗數斤鯉長年辛苦只

供人是皆憐其苦也屬意雖不同而寫詠景物各極

其妙

贈許德容

少年赤手能搏虎踏遍東華輭紅土纏頭百萬輕買笑挽弓
兩石漫好武江南風月誰平分拂衣歸卧龍山雲姑蘇臺下
爲別墅招要三友詠五君金屏如花人去早北里薰天迹如
埽平章不必喚張侯來往風流成二老

沈彬一首

彬字原質武康人正統壬戌進士官刑部郎中有蘭

軒集

玉谿漁隱

憶昔扁舟訪玉溪滿隄花樹逐人迷閒籠放鶴雨新霽倚棹

觀魚日未西野老醉歌青箬笠牧兒歸唱白銅鞮鹿門誰道
遠朝市風月一灣猶可攜

盧祥一首

祥字仲和東莞人正統壬戌進士授南禮科給事中
改吏科以事謫蒲州通判尋起爲禮科都給事中進
南太僕少卿改順天府丞擢僉都御史巡撫延綏有

行素集

菽園雜記巡撫陝西都憲嘉興項公忠令慶陽邠南
州縣督民種樹道旁民頗怨之巡撫延綏都憲廣東
盧公祥有詩嘲之其終篇云可惜路旁如許地只栽
榆柳不栽桑項公和韻云老我豈無衣食計安知此
地不宜桑二詩今在慶陽公館壁間邠南慶陽皆古
鹽池七月之詩言蠶桑之事備矣要之盧公之言得
之

古道

馳車出東城車聲何磷磷攬轡就古道古道多荆榛十進九
反御葆祝摧吾輪所造未千里計程已逾旬豈不欲改轍良
愧前修人

陳汝言 一首

汝言字時獻瀘關衛人正統壬戌進士授戶部主事
歷郎中景泰中驟進戶部侍郎天順初以迎駕功遷
兵部尙書以賄敗

秋夜

喔噓荒雞唱五更起瞻北極大星明佳人搗練秋如水壯士
吹笳月滿城江海久慚生計拙干戈深動故園情尺書望斷

南來雁惆悵空令涕淚零

金樽一首

溥字博莽都勻衛人正統甲子舉人官教諭

訪袁處士

處士幽棲水木清客來開瓊語流鶯醉歸不識西溪路芳草垂楊送到城

商輅一首

輅字弘載清安人正統乙丑第一人及第授修撰景泰初入內閣參機務進侍讀擢兵部左侍郎兼左春坊大學士英宗復辟斥爲民成化初以故宮入閣進兵部尙書改戶部兼文淵閣大學士尋加太子少保

進吏部尚書謹身殿大學士卒贈太傅諡文毅有文
毅集十卷

送徐巡宰之蒲田

與君相結意綢繆不惜離筵重唱酬紅葉樽前牽別恨白雲
江上動鄉愁舟移劍水清風遠春到閩山瘴雨收況是蒲陽
文獻地宦情詩思兩悠悠

周洪謨一首

洪謨字堯佐長甯人正統乙丑第二人及第授編修
歷春坊贊善侍講侍讀侍讀學士進南國子祭酒改
北擢禮部侍郎進尚書卒諡文安有南泉集二十卷
箚齋集五十卷

堅瓠集長甯周堯佐正統甲子發解赴公車舟泊邢
江夜夢一人謂曰吾乃子前身也前程萬里終身清
要周問子何人曰吾友鶴山人也姓丁家維揚乙丑
周榜眼及第後官南京以詩寄維揚太守三原王恕
曰生死輪迴事杳冥前身幻出鶴仙靈昔年一覺揚
州夢華表歸來又姓丁王得詩甚訝集郡中耆老詢
之羅文節曰友鶴山人名鶴年吾友丁宗啟之父官
武昌遂家焉伯氏登進士者三人友鶴獨恬然布紫
以詩名家元末隱居建文中沒於成都王以復周世
以爲異如羊祜房瑄事云
田按尚書雪山句云疑有五城十二樓玉色玲瓏界
天白又登翠屏山句云一帶岩巒多宿霧半天樓閣
自秋風頗稱高唱惜
不得其全集錄之

眉山天下秀

大峩兩山相對開小峩迤邐中峩來三峩之秀甲天下何須
涉海尋蓬萊昔我登臨彩霞表獨騎白鶴招青鳥雲龍石洞
何參差時遇仙人拾瑤草丹崖瀑布連天河大鵬圖南不可

過晝昏雷雨起林麓夜深星斗棲崑阿

葉盛 十二首

盛字與中崑山人正統乙丑進士除兵科給事中進
都給事中出爲山西右參政擢右僉都御史巡撫兩
廣改左僉都御史巡撫宣府進禮部侍郎改吏部卒
謚文莊有水東稿八卷開封紀行五卷萊竹堂稿八
卷涇東小稿八卷和山東勝覽詩一卷

始蘇志文莊力行好古清修苦節慕范文正之爲人
文章紆徐委備有法則彭韶贊云希文不相古今所
惜人以爲知言

吳中往哲記文莊所著書殆幾百卷篤學辯博爲一
時首稱

書史會要葉盛善行楷得蘇文忠筆意

田按李文達嫉葉文莊以此爲世所短文莊碩德重
望不以詩名余綜覽全集七言近體風格道上卽精

研聲律者無以過之自來名輩往往出其緒餘足了
數人此其徵也

華亭徐氏水南別業

見說東湖孺子亭如今別業在南溟
水禽沙鳥衝煙白岸芷汀蘭帶雨青
場圃未乾秋浸潤釣船將到晚潮腥
宦情元少鄉心切一曲滄浪擬共聽

梧州嘉魚亭早發

嘉魚亭子壓星河此日憑闌興若何
二水遠通交廣外一山高比太行過
蠻郎蕩漿筒艚小蟹老移家竹筏多
祇說澄清須我輩馳驅莫遣負恩波

桂林道中

官棹匆匆幾日閒
桂州風物暫開顏
青虵出匣磯頭水
蒼玉

成林海上山刀笠每乘春雨去鼓笳常帶夕陽還行人只說
山韓事曾有威名動百蠻

廉州

萬山行盡覓廉州在黃茅海上頭剗竹住來搖屋縛藤
浮去蠶家舟鹽開白石和煙煮珠出清池帶月流此去南交
殊不遠夷歌時復使人愁

自梧抵桂作

蒼梧靜江十日聞叫號滿船清淚潛荒茅篋竹一千里急峽
危磯三百灘山村尙苦打門吏谿响慣出攻城壘恩威在天
作雷雨坐看赤子迴歡顏

周教授挽詩

記得南康城下過相攜同上汎湖船我無狂客一斗酒君有
冷官三十年春樹暮雲傷遠別青山碧水照新阡客邊令子
清於玉坐對題詩思惘然

寶慶道中

十行天上詔初頒五月湖南客未還地濕怕聞青草瘴溪深
愁度紫陽關煙中白鳥衝人下雨外紅蕖照水閒最愛泉聲
與山色行行相送到人間

寄周德原

浩浩紅塵隘九衢君家來往只文儒殘燈白屋緡琴譜落日
青山對酒壺近水籬邊花自發隔林枝上鳥相呼舊遊可是
忘情久不寄山農萬玉圖

次韻叔簡至日述懷

卜築東垣幽絕處茶瓜曾爲故人留藥資久缺非無病詩債
頻催也自愁門外安車慚北郭座中塵榻慕南州履長慶罷
歸來早帶得天香到小樓

開封懷古二首

夷門山下駐鳴珂對景傷懷可奈何古寺風霜摧鐵塔前朝
宮闕卧銅駝春歸良嶽林花發日落繁臺野鳥歌試上故城
高處望大河東去浩煙波

梁苑梁山似舊時梁王賓客竟何之小黃園上秋風老凝碧
池頭夕鳥遲此日北征端可羨當年南渡已堪悲誰知衰草
寒煙裏亦有明昌進士碑

呂道士松隱

聞道山人是謫仙，手栽松樹已參天。
雲生曉洞疑龍下，露滴秋壇懶鶴眠。
化石幾時堪入貢，斲苓長日可延年。
明朝我約陶宏景，來聽南風萬斛泉。

劉昌一首

昌字欽謨，吳人。正統乙丑進士，授南工部主事，歷員外郎。中出爲河南提學副使，遷廣東參政，有胥臺鳳臺、金臺、嵩臺、越臺諸稿。

藝苑卮言：劉欽謨詩如村女簪花，穠豔羞澁，正得各半。
田按：欽謨無題五首，有名於時，細細繹之，惟東風一夜芭蕉絲，亦似含愁卷半心，差有新意耳。

和夏選部齋宿韻

江郭風濤急晚春薄寒消息上梧桐
憂添白髮三千丈夢歷
瓊樓十二重龍氣誰占衝斗劍鯨聲
又起隔煙鐘無媒不用
逢人嘆且自同歌漢業豐

明詩紀事

貴陽陳田輯

乙編

王佐二首

佐字汝學臨高人正統丁卯舉人授高州通判改邵

武臨江有雞肋集

楊慎升菴集天順初英廟大獵從官皆戎服弓矢以
護蹕應制賦詩有祭酒劉某詩以珣弓爲弓珣太學
生輕薄者帖詩於監門云獵羽楊長共友僚珣弓詩
倒作弓珣祭酒如今爲酒祭銜官何以答廷朝廣東
舉人王佐復上詩於劉云樂羊終是愧巴西許下唯
聞哭習胎豈是先生無好句弓珣何愧古人詩本爲
能得司成之喜劉隨之愈怒其後王佐
刻其桐鄉詩具載此首遂大傳其事

思鄉寄鳳博唐德光

石田茅屋舊家風，遙憶瓊州在夢中。
藤鉢曉茶吹椽末，瓦罍春酒呷筠筒。
房蜂醉蜜椰花白，鶴鶴將雛荔子紅。
情景年來無限好，可能留待一衰翁。

廣東詩粹椽末菜葉末也瓊州俗以菜葉末雜辛香和茶飲之

武夷九曲棹歌

碧水丹山第六灣，翠峯絕處見玄關。
道人不管來遊客，坐與白雲相對閒。

彭時二首

時字純道安福人，正統戊辰第一人。
及第授修撰，廊王監國入閣預機務。
進侍讀，忤旨不與閣事，尋遷左春坊大學士。
再遷太常少卿，天順初仍入閣兼翰林。

學士成化初進吏部侍郎再進兵部尚書加太子少保兼文淵大學士改吏部進少保卒贈太師諡文憲
有文憲集四卷

慈懿太皇后梓宮輓歌

漢家推馬鄧周室仰姜任名掩先朝懿恩加四海深椒房留盛事爾館著徽音中外交垂涕難忘報德心

田按英宗遺詔定后妃名分憲宗卽位中官希周貴如旨言子爲皇帝母當爲太后錢氏無子不得稱太后彭文憲時力持之卒得兩宮並尊又請錢太后加慈懿徽號及慈懿崩帝重違周太后意不欲祔廟時借朝臣伏文華門泣請帝與太后感動卒得合葬裕陵注亦祔廟此當時輓歌也

送劉行人儉使琉球

金蹙麒麟新賜袍馳驅萬里著賢勞海邊日月明樓櫓水底

魚龍護節旄重譯俗同文化遠冊封禮肅使星高島夷一
憑宣諭職貢時修荷寵褒

岳正 二首

正字季方灤人正統戊辰第二人及第授編修進左
贊善天順初改修撰入閩預機務謫欽州同知未至
逮繫獄杖戍肅州尋釋爲民成化初復官出爲興化

知府嘉靖中追贈太常寺卿諡文肅有類博稿十卷

麓堂詩話蒙翁才甚高爲文章俯視一世獨不屑爲
詩云旣要平側又要對偶安得許多工夫然其所作
如公子行短燈床二曲綽有古調留侯圖四絕句句
意皆非時人所到也

醉經堂舖櫛編蒙泉岳季方先生自翰林入閣英廟
深所眷注後爲曹石所嫉謫黜補外卒興化守嘗有
燕臺懷古詩云督亢陂荒蔓草生廣陽宮廢故城平
黃金不置高臺上似怪年來士價輕結句深有慨於

時也

桃源圖

小槩輕搖帆半斜
仙山似有浮雲遮
前溪後溪響流水
千樹萬樹開桃花
圖畫已成晉故事
風俗還是秦人家
退之元亮不可問
小立空庭謾自嗟

致仕後戲作

五十年來謝世紛
百年勞逸喜平分
不應又受先生號
去與青川管白雲

黃紱一首

紱字用章平越衛人
正統戊辰進士
除行人歷南刑部員外郎
中出爲四川參議
進參政歷四川湖廣布

政使擢右都御史巡撫延綏拜南戶部尙書改左都

御史

國史唯疑黃紱爲戶部郎中值部堂缺官署堂印諸僚事之如堂體亦奇聞時以硬黃目紱黔詩紀略公爲有明貴州名臣之冠勳節清風沾可閩里零篇小詠亦自當行

和周草庭飛泉

嚴陵富春瀨呂望渭水濱盛名各一時千古迹未陳出處雖異趣懷抱甯不均豈必薄軒冕獨與魚鳥親

夏寅二首

寅字正夫松江華亭人正統戊辰進士除南吏部主事歷郎中出爲江西提學副使遷浙江參政再遷山東布政使有文集四十卷

麓堂詩話夏正夫劉欽謨同在南曹有詩名初劉有俊思名蓋勝無題詩人盛傳之夏每見卷中有劉欽謨詩則累月下不筆必求所以勝之者後劉早卒夏造詣益深竟出其右如虞州懷古詩白宋求後葉如東晉南渡虔州益可哀母后撤簾行在所相臣開府濟時才虎頭城向江心起龍脈泉從地底來人代興亡今又古春風迴首鬱孤臺若此者甚多然東南士夫猶不喜夏作以爲頭巾詩不知何也

敖英綠雪亭雜言夏正夫過彭澤賦詩曰縣樓寂寂枕江聲五里荒山二里城彭澤到今更幾令縣人開口說淵明思按柴桑翁作縣八十日有何功德及民而異代口碑猶噴噴不泯無乃以其人品之高如龍潛鳳戢然耶

時零
本態

金精山 在甯都縣西北十五里

金星何年光墮地峭壁萬丈懸丹梯混沌初疑巨靈擘森爽只許仙人棲清泉挂巖石齒齒碧草滿洞風淒淒山空氣冷

不可住出谷一嘯斜陽西

送王給事

一語回天事已難朝居青瑣暮藍關冰霜夜結孤臣思花柳
春融逐客顏楚樹荒涼三戶縣越山重疊五溪蠻殊方本較
長安遠只是皇恩許便還

劉珣一首

珣字叔溫壽光人正統戊辰進士改庶吉士授編修
歷中允屢遷太常卿進吏部侍郎兼翰林學士入文
淵閣預機務進戶部尚書加太子少保兼文淵閣大
學士再加太子太保進謹身殿大學士卒諡文利有
古直先生集十六卷

青山白雲圖

數點雲山夢裏青
淡煙疏樹晚冥冥
自從失腳紅塵裏
不敢人前說獨醒

鄭文康

二首

文康字時又崑山人正統戊辰進士有平橋稿十八卷

四庫總目文康詩主勸懲詞旨實直頗近騷壤集體而溫柔敦厚藹然可挹要不失爲風人之遺

刺牡丹

名花不入小家園
歲歲花時沸管絃
只恐春風容易過
鄰翁耕作種瓜田

玉立亭

前元時崑山王君祐有玉立亭會稽楊廉夫嘗飲其
中題詩曰王郎崑之秀玉立而長身亭子如笠大不
直一欠伸亭前千尺峯倒影入座賓燒琴有數桐漉
酒有烏巾客來塞屋破露坐草上茵時時來鐵叟共
酌羅浮春題曰令小朵雲捧硯爲賦此章君祐之宗
孫益復亭其地予亦爲賦絕句

玉立長身舊主君百年遺事至今聞宗孫賓客還如舊只欠
楊家小朵雲

王常一首

常字大經臨川人正統戊辰進士除御史謫莆田知

縣

鳳凰山廣化寺

春氣蒸人似酒醺
尋幽一運過溪分
風花輕拂歸林鳥
晴旭濃薰護塔雲
僧補衲衣松下坐
童敲茶臼竹間聞
老禪出定心如水
不管歸鴉噪夕暉

尹旻一首

旻字同仁歷城人正統戊辰進士改庶吉士除吏科給事中改刑科英宗復辟進通政參議擢吏部侍郎進尙書卒贈太子太保諡恭簡

田按同仁人品卑下詩乃清俊可喜

送恭上人還靈巖

遠公厭塵世棄我入天台
戒行無人識幽懷到處開心澄

里月夢結故山隈到日許元度時應問偈來

張城一首

誠字世珣泰興人景泰庚午舉人授中書舍人有皇華集西莊遺稿

題金太僕竹

瘦仙寫竹三十年晚年鈎勒尤精專興來一掃四五幅枝枝葉葉生雲煙渭川湘水渺何許今日分明圖畫裏爲誰寫作化龍枝懸向高堂動風雨

柯潛六首

潛字孟時莆田人景泰辛未第一人及第授修撰歷中允洗馬英宗復辟改尙寶司少卿遷翰林學士再

遷詹事府少詹事仍兼學士有竹巖集十八卷

四庫總目潛詩沖澹清婉不落蹊徑

尤清婉接人外樂

鄭岳蒲陽文獻柯潛爲文整潔冠一時士大夫欲求

易而內狷介郡有中貴人寵冠一詞屢欲屈致一見

速化者爭過其門其人素慕潛文詞屢欲屈致一見

潛卒不往天下學士大夫仰之以爲異人

靜志居詩話漢有金馬石渠蘭臺東觀宋有總明陳

有德教周則虎門麟趾北齊則仁壽文林唐則麗正

集仙開元中始定爲翰林院其署與他公廡不同中

有徘徊精舍四面步廊畫壁花磚假山叢竹侈金鑿

之祀記建學士之新樓汴宋玉堂尤加藻飾洎乎南

渡雖屬偏安而省舍一新濯纓之泉滌硯之礪芸香

之亭汗青之軒以及蓬閣松坡蘭畦芝館藥洞菊徑

橘洲鶴砌儲國史翰墨於中故論者以詞臣爲神仙

之職也明初舊院有修娟竹學士黃宗孫寄東里詩

云一別詞垣數月餘娟娟竹近何如北京旣建院

設玉河橋西堂後有井劉文安所鑿也亭二間凡八

楹柯學士所築也井在左亭居右至今入翰苑者以

劉井柯亭爲佳話

田按竹巖集四庫著錄僅二卷余所藏者十八卷

爲學士四世從孫維騏所編當爲完本學士在翰林

以名節著詩
亦俊爽山塵

題山林圖送林伯安還鄉

前山盤盤橫黛綠後山峩峩擁蒼玉一泓流水抱幽村百丈
懸崖挂飛瀑竹籬茅屋白雲間縈紆石徑苔花斑斜川杜曲
無乃是亦似莆田烏石山君家正住山之下邈館崇軒綽綽
灑喬林六月生清秋門外尋常無車馬旅食京華五六年夢
魂常在水雲邊如今喜買扁舟去舊遊蹤迹還依然年來我
亦久爲客塵土迷人空太息送君不得隨君歸一片遙岑望
中碧

重遊梁溪

酷愛梁溪景三旬兩度過芳樽從爛漫長日此消磨石氣生

青雨泉聲透碧蘿吟詩有高興直欲到陰何

題李侍御庄上

清絕山居苔滿蹊
茆檐常借與雲栖
舊栽桃樹陰初合
新種秧苗葉未齊
流水一灣芳草渡
煖風十里綠楊堤
我來對景忘歸去
吟就新詩拂石題

送錢學士使安南

詔選詞林第一人
遠持旌節賜藩臣
暫教闕下辭鵷鷺
要使天南識鳳麟
驛騎寒衝殘月曙
宮袍光動萬花春
錦囊應貯如椽筆
一路題詩句有神

題詩送陳公輔歸毗陵

故人歸去碧山阿
茅屋深深掩薜蘿
一榻白雲眠未起
石闌

千外落花多

攜琴步月爲劉貢士題

白髮山翁住翠微
蘿雲長與護柴扉
抱琴無處尋知己
自向溪頭步月歸

王俠一首

俠字廷貴武進人景泰辛未第三人及第授編修遷
侍講歷春坊右庶子改南翰林學士進國子祭酒擢
南吏部侍郎召爲戶部侍郎進南戶部尙書尋進南
吏部卒贈太子太保諡文肅有思軒集十二卷

暇日過天甯東院

碁局詩囊在處攜
投閒幾度過招提
涼分半榻竹風細
香散

一簾花雨迷白石菴中嘗讀易碧紗籠外更留題日斜又別
高僧去笑指前溪作虎溪

童軒

十八首

軒字士昂邗陽人僑寓南京景泰辛未進士除南吏
科給事中改戶科進都給事中謫霽島知縣擢雲南
提學僉事進太常少卿再進本寺卿擢右副都御史
總制松潘軍務進南吏部侍郎再進南禮部尙書卒
贈太子少保有清風亭稿論蜀稿枕肱集

四庫總目戴冠溫縷亭筆記稱童軒性寡合不妄取子
居南京日家人衣食或不給惟王恕餽以米及白金
或不受昆陵王俱知其介不敢致餽有以禮幣求文
者導使詣軒軒亦不納其人品本爲高潔其詩亦雅
淡絕俗然在明代不以詩名殆正德以後北地信陽
之說盛行寥寥清音不諧俗尙故耶

田按尚書詩在景泰間當前屈一指劉欽謨夏正夫及十才子張皆在下風王弼州蠶苑危言效敖陶孫評有明一代詩人曾不一及清風亭稿得表章於四庫宏開之日譬諸豐城之劍其光當引星辰而上

門有車馬客行

門有車馬客駕言來故里念子久不歸契濶近一紀主人延
客坐悲泣不得語移時敘寒暄始復相爾汝借問邦族問親
知今有幾一一聽客言大非曩昔比壯者死行役老者半爲
鬼前年困征徭十戶九凍餒去年坐買辦往往鬻妻子上司
急誅求鞭撻不少止貪吏寡仁恕股削至腦髓言罷各掩泣
張燈具雞黍觴行三四酌深竹映寒雨平明客登途愁緒誰
爲理

將進酒

將進酒君莫辭請君聽我歌新詞百年三萬六千日一歲歡
娛能幾時君不見古人名利相奔趨蘭亭梓澤皆邱墟何如
秦宮花下醉滿堂明月紅氍毹榮辱信有命富貴亦有期一
朝光寵還自至何須讀盡古人書黃金注白玉鍾綠醅初潑
葡萄濃貂裘不惜酒家換便須醉卧埋春風盛時一去不再
返綠鬢明朝成老翁將進酒杯莫空雲臺煙閣我何有仰天
大笑浮雲東

采蓮曲

采蓮朝下湖西曲短袂輕綃關粧束小紅艇子鴛雙橈盪破
鱗鱗鏡光綠荷葉荷花颺錦雲鴛鴦兩兩護波紋荷錢卻喜
似儂鈿藕絲還愛似儂裙湖頭昨夜西風雨沙碛新添三尺

水翠倒紅翻相向愁波中半露青蓮子采蓮復采蓮回船正
迎浪不喚歸去遲只嫌明月上明月團團湖水秋清光滿面
照儂羞郎家只隔湖北埭咫尺橫波日夜流

巫山高

巫山高高望不極疊巘連帷倚天碧雲裏芙蓉十二峯宛如
神女晚粧濃襄王已去今千載行雨行雲尙有蹤朝朝暮暮
荒臺下幾見行人時駐馬玉珮仙香杳不聞空有神巫奏歌
舞路入楓林樹色青古祠飛雨亂芳生相思何處愁魂斷木
落蕭蕭猿夜聲

江南曲

桃花斑斑落紅雨玉缸春酒釀如乳吳姬白紵裁舞衣一曲

嬌歌少年子江頭日晚停商舶囊傾黃金誇上客當壚一斗
沽十千引滿紅螺吸明月杯空月落江水寒勸君且宿茱萸
灣遲明大扁挂帆去千里煙波傷玉顏

趙松雪寫東坡小像并書其山城杏花詩次原韻

漚波漲碧蘭苕春王孫英標真可人眉山老仙招不起東風
誰薦溪頭蘋清興懷賢應猝發一夜松窗歌白雪曉來點筆
爲傳神宛似臨臯步明月杏花零落山城中悠悠往事如雲
空何當共飲玉堂酒一枝燭影搖殘紅

東林小隱爲沈處士題

小隱東林地身閒歲月忘曲池山倒影虛閣水生涼雨潤琴
聲漫風暝藥臼香羨君情趣好無夢到岩廊

與許漢英秀才夜話

白下棲遲地際違又十年蹉跎雙鬢改險阻一身全夜雨溪
南業秋風墓下田別來空有夢惆悵未能還

咸陽晚眺

渭水東流落日西咸陽秋色望中迷荒煙古渡人稀到衰柳
空城馬自嘶霸業已消三月火斷碑猶載數行題東門牽犬
人何在空見年年碧草齊

鳳西草堂爲鄒義官賦

清隱臺西地最奇四時佳趣自相宜秋風蘿蔓垂茅屋春雨
桃花近竹籬勸客小姬歌白苧遣懷新句寫烏絲相過況有
知音在不用黃金鑄子期

簡溪爲吏部吳主事題

溪上幽居厭竹扉，溪邊春水淨苔衣。
吟鈔甫里新詩草，坐買嚴陵舊釣磯。
幾點青山當戶立，一雙白鳥背人飛。
也知習靜眞成簡，游俠無勞問是非。

九日

蕭蕭木葉下高枝，又是深秋九日期。
黃菊酒香人病後，白蘋風冷雁來時。
參軍帽落誰同調，宋玉詩成益自悲。
有約不能逢一笑，看山窗下獨支頤。

竹柵口

君往竹柵口，妾家桃花津。
來往不相識，青山應笑人。

駿馬

駿馬響金羈，蹀躞長安道。少年挽雕弓，彈落花間鳥。

宿觀音山驛

溪聲泱泱流，木葉蕭蕭下。離人耿不眠，寒燈伴長夜。

寶帶橋

寶帶橋頭水滿磯，小舟雙槳暮漁歸。藕花蒲葉俱零落，惟見斜陽乳鴨飛。

送蔣道還茅山

黃冠野服列仙曹，天上朝元翠羽簪。鐵笛一聲秋月白，又騎黃鶴下三茅。

田舍雜詠

不逐漁舟覓水源，纒溪花竹自成村。青山遮斷紅塵路，只有

詩僧日款門

楊守陳 一首

守陳字維新都人景泰辛未進士改庶吉士除編修
歷侍講洗馬進侍講學士再進少詹事擢吏部侍郎
卒贈禮部尚書謚文懿有晉菴桂坊鏡川東觀金坡

銓部等集三十卷

雙槐歲鈔景泰初開經筵每講畢命官布金錢於
地令講官拾之以爲恩典戶部尚書高穀年六十餘
俯仰不便恒莫能得有一講官忘其氏名常拾以贖
之有識者病其媿濟時宮中又賜諸內侍以銀豆等
物爲罔笑楊文懿公守陳時在翰林賦銀豆諸云願
將銀豆三千斛活取枯骸百萬人嗚呼國阜用汰至
此極矣

黃鶴寄周先生

黃鶴出人世恥與雞鶩羣翩然去埃壒歸巢故山雲願采瓊
田草寄之大茅君悠悠歲華晚渺渺江海春

王越 三首

越字世昌潯人景泰辛未進士授御史擢山東按察
使再擢右副都御史巡撫大同宣府改左副都御史
旋進右都御史總督軍務改左都御史進三邊總制
加太子少保還掌院事進兵部尙書加太子太保提
督軍務以功封威甯伯進太子太傅佩平胡將軍印
改大同總兵官以事奪爵除名謫居安陸詔復左都
御史致仕尋起總制甘涼兼制延甯兩鎮加少保卒
贈太傅諡襄敏有集四卷

四庫總目越魁傑之才其詩文有河朔激壯之音而往

往傷於粗率

筆精王襄敏詩氣魄雄壯不事磨鍊如斬蛇赤帝留

神劍墮淚銅仙泣露盤仕宦得閒方是貴世途雖好

不如禪安夢幾時曾得鹿多歧何處不亡羊公馳驅

戎馬之間而賦詠不輟未可與操觚翰苑者並論也

田接襄敏雄才逸氣不受檢束詩亦復爾然摘其佳

句如滿院落花春去早一簾斜日燕歸遲騷人已負

梅花約游子空歌楊柳枝寒夜有霜供月色窮邊無

樹著秋聲雨添野水連天遠風約開雲出岫遲一水

盡頭僧釣月萬松深處鶴巢雲雨添新綠水痕淺風

落殘紅花片輕百年人有幾時健一歲月無今夜明

客路蒼茫愁對酒鄉山道遞厭聞鶻落花寂寂空曠

鳥冷雨蕭蕭已禁煙扶筇竹下思閒坐閣筆花前廢

苦吟月影到窗僧未定秋聲著樹葉先飛石壁掃雲

閒沈剎野橋分水到僧房未嘗不一一入格也

與李布政彥碩馮僉憲景陽對酌

相逢無奈又離羣樽酒休辭飲再巡自笑年來常送客不知

身是未歸人馬嘶落日青山暮雁度西風白草新別恨十分

留一半三分黃葉二分塵

擬送李錄事赴饒州

隱隱紅亭車馬紛勞歌唱不堪聞天連極浦鴉翻日水滿
長湖雁叫雲酒醒鄉關愁遠隔詩成風月喜平分懸知別後
當深夜冷雨空齋獨憶君

鵲鶴

花落梨園宿雨晴東風枝上夢初醒雪衣娘子調新譜學得
霓裳第幾聲

王佐二首

佐字彥彌侯官人景泰辛未進士除刑部主事歷員
外郎中出爲廣東參政有梅軒集

都下送陳世光還闕

黃金臺下始逢君，一曲驅歌手又分。
惜別酒斟燕市月，還家路遶越山雲。
青草色連天遠，隱隱溪聲隔岸聞。
明到故園逢北雁，好題尺牘慰離羣。

送人之吳中歸省

幾年官舍念親違，此日君恩暫賜歸。
雙珮曉辭丹闕迥，寸心遙逐白雲飛。
風前古木秋聲早，雨外荒村夜火微。
一棹吳江待明發，承歡甯羨老萊衣。

吳宣二首

宣字師尼，崇仁人。景泰癸酉舉人，授左軍督府經歷。
改中府攝鎮遠知府，有野庵集。

宿黃檗寺

重疊青山放眼看，飛泉如練落驚湍。
秋聲一夜不得住，搖蕩九天孤月寒。

銅陵

白浪黃流窻滿風，薄陰天際轉孤篷。
浮生未了青山色，明日孤雲又向東。

汝訥

二首

訥字行敏，吳江人。景泰癸酉舉人，官南安知府。有學
鳴集北游稿

題夏仲昭墨竹

太常墨妙今所無，風流老勁古爲徒。
興酣放筆一揮灑，雲根

迸出青珊瑚空堂白日驚風雨大枝離披小枝俯蒼雲墜地
寒不收金刀錯落鏗琳瑯髮毛飄蕭神骨爽六月彷彿臨清
秋

寄懷省軒大兄

依約扁舟到郭門鳴關鶯脰一川分割餘野稻肥黃雀落盡
江楓凍白雲風景暫收新句好酒樽不厭暮寒醺殘年料得
思行役江驛鳴鐘枕上聞

明詩紀事

貴陽陳田輯

乙籤

徐溥一首

溥字時用宜興人景泰甲戌第二人及第授編修擢庶子再遷太常卿兼學士拜禮部侍郎改吏部兼文淵閣大學士參預機務進禮部尙書加少傅兼太子太傅尋進華蓋殿大學士加少師兼太子太師卒贈太師諡文靖有謙齋文錄四卷

內閣巧藥呈李先生

禁城遲日曉陰陰紅藥翻階紫閣深香雨乍沾殊有態綠雲

長謨豈無心玉堂封值人何在金鼎調和事可尋幸遇清時多暇日退朝常得對花吟

名花獨自殿春歸一種人間得見稀不逐人情誇富貴故知天意與芳菲仙姿合種瑤臺側盛事曾徵金帶圍把酒看花成舊識年年相伴住黃扉

田接文靖在翰林時曾利李文達內閣芍藥黃字韻
詩弘治初入內閣參預機務尋進首輔復倡爲吟
二韻詩一時僚友多有和章學士李東陽詩云一春
風日幾時晴數種名花競淺深禁苑栽人問許蝶尋
工雕刻本何心叢疑月重和玉堂吟曉開花底佩聲
臺閣風流前輩遠綵毫重和玉堂吟曉開花底佩聲
歸萬葉枝頭露未稀力盡丹靑空藻繪眼紅紫漫
芳菲栽雲直傍瑤臺起應須錦障圍玉殿東頭
分此種莫教春祇在五雲深栽培尙荷宣力開落
紫閣陰仙葩香煖五雲深栽培尙荷宣力開落
觀造化心香蕊受風紅嬌嬾柔條上兩綠侵尋謝公
詩好難爲和繞砌空懸盡日吟東皇侍汝送將歸小

雨花間密復稀色映鳳池分曉澗香蕪芸閣顛春非
金盤露滴九重迴玉盤風故一尺圍不似江南三月
見蕭蕭離落野人扉學士程敏政詩云宮樹花飛盡
綠陰陸離紅映披垣深仙妝露洗羞塗額國色天
笑捧心池上紫薇元並植風前粉蝶敢相尋錦亭爛
漫金尊貴消得元暉好句吟太僕卿儲雌詩云風流
獨擅玉堂陰手植當年意已深好是雲霄清切地偏
承雨露發生心暗香豈待憑欄嗅絕品從教按譜尋
五色詔成長對此
清平誰美謫仙吟

邱濬五首

濬字仲深瓊山人景泰甲戌進士選庶吉士授編修
歷侍講侍講學士進翰林學士改國子祭酒拜禮部
侍郎進尙書加太子太保兼文淵閣大學士參預機
務加少保卒贈太傅諡文莊有瓊臺會稿二十四卷

四庫總目濬相業無可稱然記誦淹洽冠絕一時故其
文章爾雅終勝於遊談無根者流在有明一代亦不

得不自置諸作者之列焉
篁墩集瑗山邱公每謂作文必本於經爲學必見於
用考古必證於今鄴意適然遂爲知已其詩如仙翁
劍客隨口而出皆足驚人雖或兼雅俗備正變體裁
不一然諦視而徵韻之氣機流觸天籟自鳴格律精
嚴亦不斂人問矩度
雙槐歲人定安縣南有五指山卽黎母山瑗
之望也少保邱文莊公少詠之爲人所傳誦詩曰
五峯如指翠相聯撐起炎州半壁中天見銀河摘星
斗朝探碧落弄雲煙餘玉筍空月中出明珠掌
上懸豈是巨靈伸一臂遙從海外數中原識者知其
異日必貴後竟如其言
蔣冕瓊臺詩話仲深先生翰林爲名學士在太學
爲名祭酒名聞四海朝嘆曰自古詩人未有此者
其國詩用魚鱉成橋東美君去意拂晴虹鳳麟瑞世
詩云玉節煌煌照海東通元菴吟沒鶴江浮鴨
入爭觀魚鱉成橋道自通天少豪吟沒鶴江浮鴨
綠澹鴻鵠行喜從文章客少元菴吟沒鶴江浮鴨
生送陳修撰使高麗詩云海上多風吹節旄旄旄
客錦宮袍詔頒龍闕恩偏渥詩到雅林價倍高萬
齋金浮曉日一毛又送綠尚賈使交南云旭原鳳
觀文章五色毛又送綠尚賈使交南云旭原鳳

國明銀爾玉札下南冥符蠶自昔瞻卿月遠道於今
望使星老樹古香桂蠹亂山殘雨帶龍鼎茲行萬

里真奇絕好把新詩紀所經海浮江而上過鄱陽湖

升卷邱文莊公夫自南翰林編修戚也昔與

夜夢官何義不入舟曰吾乃翰林編修戚也昔與

邱先達邱文莊公夫自南翰林編修戚也昔與

隻帆生同官義不入舟曰吾乃翰林編修戚也昔與

寺中未幾江中果有風濤舟人盡覺如言移止險

事於莊公幽於風濤舟人盡覺如言移止險

之有紀事曰顯於朝死九原猶有故人祭

曼卿作芙蓉主太常留翰苑念我其故人祭

夢哀君側每吞聲朝回坐對黃封酒恨歎雞壇負

舊盟君側每吞聲朝回坐對黃封酒恨歎雞壇負

田然出右副都御史羅公亨巡撫宣府官吏軍民

紛然出右副都御史羅公亨巡撫宣府官吏軍民

城下曰出右副都御史羅公亨巡撫宣府官吏軍民

定也先挾上皇至城斬又誓將為朝廷守人始

守城不敢擅啟時寇騎日薄城下信卒與總兵楊

洪得孤城作輓羅都御史王公直為誌略不楊

此山邱城作輓羅都御史王公直為誌略不楊

御無消息邊策鎮劔將軍入關北門鎖鑰空餘鑽強

御無消息邊策鎮劔將軍入關北門鎖鑰空餘鑽強

三

兵健馬盡南走黃鷹蔽日天漫沒白首憲臣南海客
手持一劍當門立誓與孤城同死生怒髮衝冠氣干
尺車輪生角馬駐蹕居人動行歸健之開樓
檣具金城鐵壁湯爲池雲州失守赤城破坐山前足
城邊過老妻穉子盡登陣公亦接袍雪中扼塞王師
後無數屯營屏蔽京師功卓敵騎南來資扼塞萬里江
北出恃屯營屏蔽京師功卓敵騎南來資扼塞萬里江
淮果賴張眞源河朔金餘顏史憂國勞上書訟陳
事成一葉扁舟五湖肘肱金腰玉塞無人折簡不通朝
湯書抱膝長吟聊爾羅浮山崩天墜星乾坤一
貴英靈公兮生已無愧邊人至今嗟未平明史
收此詩意爲亭信立無愧邊人至今嗟未平明史
括此詩意爲亭信立無愧邊人至今嗟未平明史
傳詩之有關於此

送人入蜀

嗟君萬里去孤棹下雲安地濕天長漏時清道不難江流春
泛雪灘石午生寒如過臨邛令琴心莫浪彈

送友人徐景旻下第歸五羊

曉日都門道春風酒一杯爲憐君獨去卻憶我同來楊柳春
堪折芙蓉秋始開臨歧凝望邈目斷越王臺

和李子搆都門春日韻

碧桃花底共鳴珂雲淡風柔氣候和
整路雨餘生嫩草宮河冰泮動微波
近天樓閣逢春早向日園林得煖多
我有新詞三百闋興來呼酒對君歌

瓊臺詩話趙松雪集載李子搆海子上卽事詩云
道塵香送玉珂形樓花晚鼓雲和光風漸綠瀛洲草
細雨微生太液波月榭管絃鳴曙早水亭簾幙受寒
多少年易動傷春感喚取蛾眉對酒歌邱仲深先生
偶閱之諷詠數次時冕侍側因覓紙和之落筆卽成
詩云云子搆名才元京兆人生十七與松雪翁同於
海子上賦詩松雪稱其詩雜於唐人中未易辨也以
冕觀之先生之詩其亦無愧松雪所謂哉

送畫竹屈生

東風吹散漕河冰旋買吳船載酒行野樹依依連故國雲山
點點引歸程郢中誰和陽春曲吳下多傳子夜聲白首奉常
無恙在韉才應已付鄉生

客中對月

萬里思歸客傷心對月華願憑今夜影同照故園花

張甯十三首

甯字靖之海鹽人景泰甲戌進士除禮科給事中出
爲汀州知府有方洲集二十六卷

詩談海鹽張靖之高雅得唐調
藝苑厄言張靖之如小權急流一瞬而過無復雅觀
國雅靖之縱調聘情頗稱作者其采蓮昭君風力丹
彩俱備堪以陶寫幽心至林葉經霜盡河冰近午開
是前賢未振語殷璠所謂意新理愜斯得之
紫桃軒雜綴張黃門靖之負海內重名與時不能俯

仰拂衣早退性嗜繪事不輟與人點染余少時曾見
其海天一色石瀑飛瀑二傾極麗奇偉之觀近又
見李白看廬山瀑布態溢出知其有傾河倒峽之氣
紅衫人仰面掀髮豪溢知其有傾河倒峽之氣
鬱盤於胸也抑先生假以自寓乎
無聲詩史張靖之詩思敏捷工人物
靜志居詩話黃門致仕歸築方洲草堂於海濱盤石
爲山上有峯曰蒼玉曰桂曰小飛來巖曰宿雨曰
滴露洞曰歸雲曰蘭雪岫曰茶煙嶠曰詠月暑日
卓筆泉曰洗硯池曰映山皆劉於石而通目之曰一
笑山家居三十年歌詩畫筆與雲東逸史稱暮年
無子有二婢曰寒香晚翠剪髮自誓不下樓者四
十年有司以閑韶旌爲雙節釋明秀詩云交前雲環
報主恩鏡蠹花落洗頭盆同誓死方洲上霜月寒
寒夜照門一蠹花和香甚衆黃門嘗過杭州潑墨寫目
送飛鷗手揮五絃圖縱橫涼草侍婢笑之題詩云開
尋敗筆作圖畫小豎侍立笑欲倒山頭似土灰堆
樹根亂若蓬蒿草所云小鬟殆卽寒香晚翠乎
田按靖之成化中以給事中使朝鮮有贈朴判書詩
云朝鮮賢臣朴判書老成風雅非凡儒
風侶弱流鐵網珊瑚株鳴綠江頭相見燕判書詩
便依巖曲池春水曉同吟驛路東風夜供燕判書名

元亨朝鮮陪臣充館伴者也靖之遊太平館賦七言
長律六十韻朴隨和之殊不相下靖之得溪流殘白
春前雪柳拆新黃夜半風之句朴攔筆曰不能刷和
矣靖之對客揮毫驚動遠裔馬工不如枚連矣

士女圖

吳城士女越樣妝籠冠盤髻銷金裝東風淡蕩桃李月看花
不語情何長女伴相將牽穉子庭院無人花正芳陽春宛宛
白日暮空抱花枝歸洞房

田按靖之死後無子有二妾曰寒香晚翠自誓不下
樓者四十年靖之士女圖落句云陽春宛宛白日暮
空抱花枝歸洞房人以爲詩識

舟過富陽

離家纔十日鄉思漸多逢江近村居少山高石路危野人驚
客至水鳥傍船飛何處桐廬縣蒼茫對夕暉

甯遠東南有山居海中去岸二十里名覺華島中有大
龍宮千佛院皆金人所建土僧數十人自相耕鑿若
與世隔者每歲一城薪炭皆仰給於此間其中甚幽
絕可愛惜行役匆匆不能一到

古刹寥寥海島邊行人指點說當年山門未乞新開額常住
猶耕舊施田寒日每輸城邑炭漁舟時送佛燈錢官程咫尺
空經過悵望煙波思渺然

爲遼東巡按陸侍御平題聿

蕭蕭落木翳林坳野色催寒帶晚晴滿地秋風吹雨過亂山
斜日照人行草荒別墅鷗盟遠雲護空壇鶴夢清彷彿江南
舊遊處小橋西舍讀書聲

爲徐甘谷寫枯木竹石

梓澤荒涼勝覽空
平泉無樹領春風
與君共老滄江曲
晚色寒聲滿釣篷

題子昂馬圖

沙蹟春深苜蓿肥
錦鞍新卸遠行歸
牧兒不敢從南牧
手挽弓梢看雁飛

寄張天所

杜陵莊南雲氣昏
尙胥橋北水連邨
春來日日多風雨
一棹浮查直到門

題梅道人畫

荒山亭館客遊稀
瀑布無聲野鳥飛
愁絕梅花庵外路
年來

風景故應非

龜溪晚泊

桑柘陰陰碧草齊
隔溪茅屋夕陽低
村南村北無人迹
惟有山雞背水啼

懷舊

吳興佳境道場山
絕壁迴崖紫翠間
十載舊遊渾不忘
畫船攜酒上蘇灣

彥敬小景

陰陰綠樹草堂低
積雨初晴水滿溪
門逕畫長人不到
百花深處一鶯啼

村店

煖風吹綠山前草
膏雨染紅溪上花
滿地芳菲春未歇
古林幽屋是誰家

秋江煙艇

山水風煙共一舟
清羸詩病不禁秋
殘陽欲盡寒潮落
欲采江蘼寄遠遊

周琰 三首

琰字廷潤興隆衛人景泰甲戌進士授刑部主事歷員外郎中出爲臨安知府改衡州擢太僕寺卿復出爲廣西布政使有草亭存稿

傅汝懷黔風傳聞錄草庭詩情質古雅稱其爲人黔詩紀略正景之際無頭沅首風雅漸興草亭詩能自造風格惜傳者太少不盡所長

飛泉 二首

下馬碧山阿，散坐清溪濱。遐觀千古上，地下人已陳。引手弄潺湲，與君懷抱均。安能被炎汗，日與簿書親。

北山深窈窕，遠接漁樵蹤。中有寒泉水，如奏嶧陽桐。灑雨陝疏竹，隨風鳴長松。坐久人迹絕，孤雲起前峯。

次韻丁天玉遊凌元洞

雞鳴桑樹深，犬卧苔花溼。何處課春耕，猶倚斜陽立。

易貴 一首

貴字天爵，貴竹長官司人。景泰甲戌進士官辰州知

府。有竹泉集十五卷。

黔詩紀略：竹泉先生，流貫羣經，尤長於易。嘗構別業於貴陽城北二里許，讀易巖谷中。至今稱點易巖考。

明史藝文志易貴詩經直指十五卷黃虞稷千頃堂書目易貴竹泉文集十五卷朱檢討夔尊經義考亦載易氏貴詩經直指佚記長老言易氏易經直指亦十五卷今皆未見黔人著述見於史者別集始於王教授訓經說始於先生並明一代貴州文教鼻祖其開創之功不在道真長通下

別辰陽士民

明時多循良美化接州郡惟予拙無如竊守已逾分喜茲士民好敦樸冒我近深慚教養疏百一未能盡引退緣避賢迹留愧斑斲人生有木業努力勸自奮詩書守儒術名業可騰振田疇勤力作衣食天冑靳我歸亦無事把卷一農叟

何喬新

五首

喬新字廷秀一字天苗江西廣昌人彖宰文淵子景泰甲戌進士授南禮部主事改刑部歷員外郎中遷

福建按察副使改河南提都察院右僉都御史巡撫
山西遷刑部侍郎進尙書卒贈太子少傅諡文肅有

椒邱集三十二卷

雙槐歲鈔成化庚子內閣劉吉丁外艱詔資以羊酒
寶鈔起復視事如故吉三上疏辭託貴戚萬喜得不
允陳編修音上書勸其力辭吉不答人無敢言者吉
每談笑對客殊無戒容丁未今上新政道乃傾身阿
安尹直以次罷遺吉獨不動慮科道之待以不次
結昏夜款門祈免彈劾建言欲超遷科道待以不次
之位去治改元風竄發自天壽山毀瓦傷物震驚陵
寢上戒諭羣臣修省遣官祭告於是左春坊庶子兼
翰林侍讀張昇疏言應天之實當以輔導之臣爲先
今天下之人敢怒而不敢言者以奸邪尙在樞機之
地也因數吉十罪且謂李林甫之密口劍腹賈似道
之牢籠言路合而爲一科道交章劾昇指爲輕薄小
人上命諭昇南京工部員外郎其同鄉何喬新贈以
詩曰鄉邦交誼最相親忍向離筵酒頻抗疏但求
神聖治論想端不忝儒臣自憐石介非狂士任詆西
山是人暫別壘坡非遠謫莫將辭賦不靈均出是

人目吉爲劉棉花以其耐彈也
田按尙書詩溫雅有則澤古者深與凡釋自別

題黃君愈宣江山一覽亭

山翁不川瀾溪翁不山住茲亭何巍巍妙得江山趣浮光滉
巖櫳飛翠墮窗戶江山百里間一一堪指顧披雲歎巖扉乘
月泛煙激鷗鷺狎琴尊麋鹿隨杖屨悟茲動靜理悠然豁心
慮嗟予抱清尙山水夙所慕聞君構危亭便擬投簪去憑高
騁遐矚允矣愜中懷

金章宗畫馬圖

明昌天子世宗孫善書善畫兼善文揮毫拂素貌騏驎神妙
不數曹將軍龍鬚鳳臆眞無比汗血猶沾灑注水汗陽雲錦
非不多如此權奇能有幾憶昔武元起海東從騎躩蹠皆游

龍西馳木葉風沙靜南躩大梁榛棘空梁王已死陳王戮飲
馬泉荒無苜蓿天閑十二俱下材薄蹶秃尾空多肉此圖想
是建國初明昌以後此馬無北荒鐵騎忽馳驟山後山前草
木枯

庾公樓

庾樓昔日瞰江渚高棟危闌截風雨年深傾圯成荒邱月冷
蘆江唳杜宇庾公蕭灑清談人連輝椒掖秉國鈞寡謀輕啟
歷陽毀臨難鼠竄私其身寇平尙蚤免誅殛猶秉旌旄鎮南
國神州未復羯虜驕擁眾何常翦仇敵當時參佐殷謝徒嘯
詠風月無遠圖樓中開宴揮玉麈志識僅比牧豬奴九原冥
冥不可作雲散太虛水歸壑廬山飛瀑和雨來似爲元規洗

餘惡

沅州

潭陽遠在夜郎西石徑縈紆路轉迷俗猶猶存盤瓠舊林深
只聽鷓鴣啼茅簷凋敝哀三戶嵐靄氤氳接五溪欲弔靈均
何處是江頭蘭芷正萋萋

道旁李花爲風雨所殘

縞袂珠襦白玉冠含悽無語怨春寒東風不爲多情惜無數
殘鈿趁馬鞍

李裕
五首

裕字資德豐城人景泰甲戌進士授御史擢山東按察使遷陝西布政使入爲順天府尹進右副都御史

總督漕運巡撫江北再進右都御史調南京尋入爲

工部尙書進吏部有餘力稿

因樹屋書影李太宰古澹集翻翻唐柳
旧按尙書晚以李夜省進致干清議詩頗近雅音

褒城道中

褒斜通蜀漢百折擁岡巒崖際戍樓出山腰棧道盤霜林萬
葉盡茅屋幾家殘少憩谿頭石猿颯落日寒

龍山驛偶作

驛路通山谷人家傍驛亭芋田和雨種竹牖帶煙局沙淺溪
流碧春深野燒青一樽聊自酌高詠有誰聽

莒州道中

盡日馳驅不憚勞瑯琊陵谷半蓬蒿囊沙洲畔雲初起呪虎

臺前鳥自號
莒水東歸滄海闊
蒙山斜倚穆陵高
不堪滿目多遺事
馬上吟餘首重搔

開河夜行

日落煙水暝
秋聲蒲樹多
船頭聞犬吠
知已近開河

經九曲池

煬帝行宮俯
獨岡木蘭亭
榭已荒涼
可憐九曲池中水
猶帶哀音過柳塘

段堅一首

堅字可久
肅府儀衛司人
景泰甲戌進士
授福山知縣
擢萊州知府
改南陽

明儒學案可久得閩禹錫白良輔以沂文清之旨雖未及門而郡人陳祥贊之曰文清之統惟公是廓則

固私淑有得者也
田按可久弟子周蕙字小泉爲蘭州戍卒恭順侯吳
瑾總兵於陝聘爲子師小泉固辭或問故小泉曰總
兵役某則某軍士也召之不敢不往若使教子則某
師也召之豈敢往哉肅藩樂人鄭安鄭甯乞除樂籍
從周先生讀書可久訪小泉不遇詩云小泉泉水隔
煙蘿一濯冠纓一浩歌小泉不遇詩云小泉泉水隔
泉著述罕見附記於此

失題

風清雲淨雨初晴
南畝東阡策杖行
幽鳥似知行樂意
綠楊煙外兩三聲

謝省一首

省字士修黃巖人景泰甲戌進士南兵部員外出知
寶慶府

晨登巾山

初日上高峯，輕煙散林薄。一徑不逢人，坐聞松子落。

康麟一首

麟字文瑞，順德人。景泰甲戌進士，福建按察僉事。

田按文瑞，輯雅音會編所作規撫前賢，雖局邊幅亦無俗響。

冬日有懷柬李公子

金陵淹旅食，況復歲華深。倚樓一聲雁，離人千里心。青燈寒照影，白雪苦牽吟。賴有賢公子，時來叩賞音。

除夜有感

旅館蕭條歲事闌，獨憑杯酒強爲歡。家林親舍三年別，客路梅花幾度看。春意又從今夕煖，宦情還似舊時寒。催人光景如流水，莫遣秋霜點鬢端。

彭華一首

華字彥實安福人景泰甲戌進士改庶吉士授編修
歷侍讀侍讀學士翰林學士詹事進吏部侍郎入內
閣參預機務加太子少保進禮部尚書卒贈太子少
傅謚文思有素菴集十卷

次丹邱表兄過桐廬韻

知君謫宦爲彭澤我亦棲遲桂嶺東鴻雁情深長惜別琴書
道在未爲窮青山笑客頭先白綠酒欺人顏易紅莫向桐廬
悲失意披襟且挹釣絲風

陳政一首

政字宣之番禺人景泰甲戌進士選庶吉士終雲南

之齋卷十一
三
按察副使有東井集

灤州道中

幽谷春深煖尚遙，挾陰殘雪未全消。
野禽似解吟邊意，飛傍肩輿過石橋。

杜庠一首

庠字公序長洲人景泰甲戌進士除知攸縣有楚遊

稿江浙歌風集

靜志居詩話公序嘗過赤壁題詩張汝弼奇之一時呼爲杜赤壁

送吳瓊州

瓊守相逢晚來從海舶頭島微猶有國沙盡更無州風雨迷
蛟室雲霞結蜃樓喜聞爲政好黎俗遍歌謠

彭澤 七首

澤字民望攸人景泰丙子舉人除應天通判有老葵

集

懷麓堂詩話吾楚人多不好吟故少師授彭民望少
爲諸生偏好獨解得唐人法如淵明圖詩曰義熙
人物義皇上典午山河甲子中恨殺溇陽江上水隨
湖流過石城東幽花曰脈脈斜陽外微風助斷腸枯
棹亭曰春風滿溪水不見野人勞皆佳句也獨不自
貴重詩不存稿子輯而藏之僅百餘篇而已
沅湘耆舊集民望詩宗法甚正涯翁稱其清而腴簡
而有餘見之而可親追之而不能及其所之其傾倒
如此
田按老葵風調道上七律尤推擅場正統景泰間不
多見也

題淵明圖

歸來三徑已秋風籬下依然菊滿叢五斗折腰羞作縣百年

多難早成翁義熙人物義皇上典午山河甲子中怪殺潯陽
江上水隨潮流過石城東

泊岳陽樓下

平湖空闊水浮煙孤嶼依微樹接天歲月有期陵谷變神仙
多事古今傳城樓吹笛風迴市沙浦鳴榔月滿船細讀屈騷
賦賈賦淒涼遺事使人憐

北園踏雪

雪擁平園路有無短筇雙屐細縈紆身隨野鶴行應慣詩到
梅花興轉孤瀾上他年憐鄭棗湖西無地著林逋便當喚取
徐黃手寫作寒天一老圖

九月陳師召李寶之陸克深天錫同遊月河寺

欹側危亭勢欲崩，亭前花草錦交期。
分題次第詩聯軸，勸客殷勤酒滿卮。
遠寺夕陽留塔影，西風落木見山棱。
英雄郭隗名猶在，千古荒臺試一登。

歌風臺

豨破鯨奔幾戰爭，親于此地駐旌旌。
荒臺曾見高歌日，小縣猶存古浦名。
幾載艱難天下業，千秋魂魄故鄉情。
危亭寂寞山河裏，剝落殘碑野草生。

淮口阻風

淮河波浪接雲長，浦口人家住渺茫。
桃葉有歌空悵望，柳花無賴正顛狂。
高原舉目風塵暗，孤剝題詩落日黃。
欲把靈龜問詹尹，好風何日送帆樑。

金陵雨後登樓

醉倚危闌看雨收，分明遠樹見晴洲。
千年壯麗山爲郭，十里人家水繞樓。
燕子近來誰是主，鳳凰已去有遺邱。
如何東晉諸名士，卻上新亭雙淚流。

黃瑜一首

瑜字廷美，香山人。景泰丙子舉人，知長樂縣，有雙槐

詩集

田按：廷美所著《雙槐成鈔》，世稱淹貫，詩亦不涉俗韻。

送張九衢都帥北上時鎮惠潮

環佩趨天北，帆檣向斗東。
離情滿江漢，秋色入梧桐。
飛輓三河道，傳宣五柞宮。
嚴廊用儒將，應見虜塵空。

明詩紀事

貴陽陳 白輯

乙籤

劉溥 四首

溥字原博長洲人宣德初授惠民局副使調太醫院吏目有草窻集二卷

南濠詩話長洲劉溥入殿賦滿水詩云門前一滿水日夜向東流借問歸何處滄溟是仕頭後仕雖不顯卒以詩名

藝苑卮言景泰中稱詩豪者十才子而劉溥湯胤績爲之首湯尤縱誕每稱杜陵無好句然與劉論詩伏不出一語

王錡寓國雜記劉廷美爲刑部主事居京師與徐武功劉原博諸公爲詩友每相過必談論達旦嘗戲陰廷美旅邸無聊原博遣之守歲廷美因挾所藏鍾馗畫像求題原博遂援筆大書一詩於上明旦持歸懸

之中堂京師風俗每正旦主人皆出賀惟置白紙簿
并筆視於几賀客至書其名無迎送也
定之黃廷臣兩學士首至見此詩各摘簿一葉錄之
以去朝士繼至者皆摘錄之頃間簿已盡矣廷美
同索簿問賀客以圖往報家人告其故明日復置一
簿亦如之中書舍人金本清戲謂廷美曰此鍾馗乃
耗紙鬼也一時京師傳為奇事原博詩曰長空湖雲
夜風起不分成羣跳狂鬼倒提三尺黃河冰血灑蓮
花舞秋水飛螢負火明月羞揀窠影黑嗷鶴鵲綠袍
烏帽遲行事碌腦剗腸天亦愁中有巨妖誅未得盡
駕風輪驅霹靂如何袖手便忘機回首東方又生白
田按原博在景泰中負盛名惟律體及絕句差有可
觀當時如童士昂聶壽卿輩均不得與十才子之列
時論之不足信如此

寒食日過胡汝器墓

雨晴泥滑路微分
駐馬南原日未曛
白下一杯寒食酒
青山三尺故人墳
野田行客愁深草
江樹殘鶯泣斷雲
俯仰光陰傷往事
落花清淚共紛紛

感懷

塞雁南飛又北旋上皇音問轉茫然孤臣自恨無容地逆虜
誰能共戴天王衍昔年知石勒謝玄何日破符堅京城四塞
山河固一望龍沙一淚漣

蘆堂詩話劉草窗己巳歲塞雁南飛一詩問者傷之

今所刻本似此者蓋不多也

田按英宗北狩當時見之篇詠者張利與朱千戶夜

話詩云客裏相逢感慨深劍歌時復動悲吟清尊坐

對三更月紫塞遙馳萬里心瀚海地荒龍馭遠交河

風急雁書沈微生愧乏安邊策北望長天淚滿襟

甯感事詩云羽書昨夜報居府百萬雄師下九重天

子垂衣臨大漠羣臣端笏扈元戎禁中已乏回天諫
關外誰成關地功千載瀟湘扶日轂令人卻憶寇萊
公寶馬朱輪接上游時危誰奉天憂鼎湖龍去英
雄盡劍閣雲深日月愁玉輦已隨胡地草青山依舊
漢宮秋元勳野死潼關破誤國何人更首邱與原博
感懷一詩讀之
令人拔劍起舞

題福山曹氏畫

歌舞當年只醉遊，不知何物是閒愁。如今桐樹無人洗，風雨空山幾度秋。

列朝詩集福山曹氏富甲一郡，植梧桐數畝，主人將納涼，其下令人以新水沃之，謂之洗梧。淮兵由福山入，吳曹氏園亭首被禍，故草窗詩云云。

偶作

燈影分明隔絳橋，玉階行盡轉迢迢。春風只在銀屏裏，殘雪和愁幾日消。

湯盾續三首

盾續字公讓，濠梁人。東甌襄武王曾孫，授錦衣百戶，轉千戶。景泰中，進指揮僉事，坐事謫爲民，編籍常州。

成化初復官充參將守延綏戰沒
有東谷集十卷

劉昌懸笥瑣探子在史館時日請良醞酒一斗然飲
少多有藏者湯東谷膺續從于索之詩曰兼旬無酒
飲詩腹半焦枯聞有黃封在何勞市上沽子嘗至其
第見其廳事春聯曰東坡居士休題杖南郭先生且
濫竽後堂曰片言曾折虜一飯不忘君蓋東谷嘗從
興濟伯禮部尚書楊忠定公善奉迎轡輿故云其東
偏曰暫挂西山笏閒開北海尊其西偏曰長身惟食
粟老眼漸生花豪俠之氣可以想見矣
七修類稿湯膺猷志大言大武畧少可而詩文亦稱
是李文達當國見其有大志且通文墨亦重之每自
言士不脫類而出何見其才使某獨當邊方一面必
有可觀李因薦為參將守邊一日與友人正飲間敵
人牧馬城下遂勒兵出語友曰某擒此胡來飲不意
胡人大至湯兵寡無援胡直前一箭而斃數月後口
外通州驛天色將暝忽有兵官馳從甚盛來坐中堂
令免供具但索紙筆燈燭閉戶而寢明早驛吏候起
寂然無聞開門惟見壁間一詩末句云血污遊魂歸
不得幽冥空築望鄉臺一時哄然人以湯索好怪而
死亦有怪焉

藝苑

后言湯公讓詩如淮陰少年斗健作吸人狀

妓

閑臨金鰓小方池自掬清泉洗面脂約伴海棠亭上去袖揮
花影坐彈碁

俠

四郊射虎漸縱橫雁子都兒怕出征解辦月錢供內省終身
常隸國西營

絕句

薰風十里綠楊隄一色樓前首尾齊醉擁胡床歌水調秋嬾
只在畫橋西

蘇平 三首

平字秉衡海甯人永樂中舉賢良方正不就有雪溪

漁唱

水東日記海昌詩人蘇秉衡嘗言宋一代近體詩其
彷彿唐人僅王禹玉元夕一詩耳猶惜其鎬京春酒
沾周晏沾周字音調不諧易沾爲陪可也高棅軒太
史詩二千首亦只取其夜聞吳女誦經一律然好事
者則以八字管定乘衡近體詩云禁是則莫能爲也
蓋與許洞詩僧事相類云
靜志居詩話鄒御史克明作三夸詩以乘衡爲首其
次湯公讓其次劉原博克明名在十子之列在同調
亦不免嘲笑
之他可知已

送沈思歸玉峯

皇州鸞囀柳條新
客路那堪此送君
歸夢不離吳苑月
還家高臥玉峯雲
江村黃酒逢寒食
驛路看山對夕曛
最是臨歧分手處
落花離思共紛紛

秋日書懷

十年京國做貂裘萬事無成已倦遊客裏青衫司馬淚天涯
明月杜陵愁秦淮煙暝砧聲夕楚澤雲深雁影秋南望故園
歸未得懶將詞藻賦登樓

和沈愚閭門柳枝詞

此地吳王舊市朝空遺衰柳日蕭蕭行人不用頻回首煬帝
宮前更寂寥

蘇正一首

正字秉貞平弟有雲壑集

出按秉貞與兄秉衡名列十才子

重遊金陵有懷玉山沈愚

歧路東西奈別何壯心憔悴惜蹉跎重來雲物非前度黃葉

秋風積恨多

沈愚四首

愚字通理崑山人自號崑峒生有貧籟吳飲二集

寓圃雜記崑山沈通理詩清麗微婉樂府尤高有吳宮詞諸篇往往膾炙人口又有續香奩四卷蓋倣韓致堯之作

崑山人物志沈通理善章草工詩清圓錯落如珠相聯滾滾不自休蒼雪夜賦絕句云瓦爐溫酒夜燈前紙帳梅花伴鶴眠不似玉堂金馬客五更風雪去朝天業醫授徒以終其身

筆精吳人沈愚善書工詩

靜志居詩話景泰十才子才多下中通理特爲翹楚

長安道

西望長安道東風吹綠塵
關雞三市曉躡馬五陵春
柳色迷行客花香撲麗人
金張居戚里遊宴不辭頻

追和楊眉菴次韻李義山無題詩

蘭漿雙欹倚桂舟
隔花臨水思夷猶
香囊玉佩勞相贈
繡幃銀屏惜共留
愁繞鳳凰秦樹暝
夢回巫峽楚雲秋
多才苦被春情惱
鏡裏潘郎雪滿頭

金井怨

牽絲猶怯冷照影
卻含羞獨立梧桐月
芳心不奈秋

題畫

汀蒲短短柳參參
三月桃花水滿潭
攜酒抱琴同一醉
人生只合住江南

晏鐸二首

鐸字振之富順人永樂戊戌進士改庶吉士授監察

御史以言事謫上高典史有青雲集

田按振之盛有詩名列景泰十子金陵春夕詩云花月金陵十四樓事詳十四卷搗杵詩後

登黃鶴樓

宦遊歲月易蹉跎登覽其如感慨何黃鶴不來仙已去古樓猶在客重過青山遠樹寒煙積芳草平洲夕照多此日獨吟傷往事長江渺渺水空波

聞笛

河橋楊柳半無枝多爲行人贈別離羌女不知蕭索盡月明猶向笛中吹

王淮一首

淮字柏原慈溪人有大塊稿

列朝詩集柏原好作長歌下筆輒數十韻造語奇麗
擅名江湖間景泰十才子之一也

溪村晚泊

暝色蒼茫欲暮天
溪行仙此住
蘭船竹枝倒映清潭月
花樹低籠斷岸煙
梵寺鐘聲林墅外
驛樓燈火市橋邊
今宵寥落誰爲伴
數點沙鷗對客眠

鄒亮一首

亮字克明長洲人
正統初用薦授吏部司務
遷南監察御史有鳴珂漱芳等集

田按克明列名景泰十子嘗作三夸詩譏劉原博湯公讓蘇乘衡然所作亦無以相勝也

湘中絃

渺渺煙波帶白蘋
露寒風細月如銀
沙棠舟上愁回首
只聽

援聲不見人

蔣主忠 一首

主忠字存恕儀真人徙句容有集

田按主忠名列十子

經龍潭故居

不到故園久甯辭歸路遙山光自今昔人物歎蕭條古鎮東西市長江且暮潮何當尋舊業來此伴漁樵

王貞慶 一首

貞慶字善甫定遠人駙馬都尉永春侯甯子有茗芋

集

列朝詩集駙馬都尉王甯以文雅著嘗與姚少師釋南洲爲鬪茶之會有詩流傳長安以爲韻事子貞慶

尤工詩折節好客劉原博諸人集中所稱金粟公子者也亦十才子之一

清明日寫懷

地僻長時少送迎坐看春色又清明傳家舊物青瑣在處世
中年白髮生楊柳東風猶料峭杏花疏雨半陰晴塞翁得失
何須論且共沙鷗暫結盟

明詩紀事

貴陽陳田輯

乙籤

魏時敏 十七首

時敏字竹溪莆田人官無錫縣丞改宿遷

筆精列朝詩集明詩

緣均作改桃源今有竹溪詩集

從未軒集作宿遷

黃仲眼未軒集竹溪天資警敏食出等夷有司辟爲
邑從事日坐曹署治文牘暇則焚香鼓琴灑墨作山
水尤篤意於詩遊京師與姑蘇劉欽謨同邑周次玉
往來倡和由是竹溪之詩名傳播遐邇矣調選時家
宰尹旻聞其名試以詩有簡拔自漸非漢吏威儀今
喜識周官之句大爲稱賞遂拜吳錫縣丞改宿遷未
幾致仕歸其在無錫及家居皆偕一其五言如寄吳太
年八十餘猶未嘗一日廢吟事也
守孤燈殘夜夢千里故人心送林郎中致政煙雲新
世態花竹舊郊居題瑛山清隱軒覩浮雲裏江山醉

眼中七言如懷江湖故人千里寓情星北拱百年人
事水東流秋日病起黃花籬落家家酒白雁江天處
處砧寄余汝盛開吟有客知何遜獨酌何人議馬周
集名竹溪其氣和平其體正大其味雋永藹然有盛

唐風致

筆精余閑燈市有魏竹溪詩雋永可味警句甚多不
能殫述細抽一二以示同好如殘歷愁中盡流年夢
裏過客思秋聞雁鄉心夜聽湖林深芳樹合凋轉夜
泉分身病仍耽酒家貧易廢詩交情貧後見鄉夢客
邊多天空孤鳥沒江濶遠帆來野色低青嶂亭陰壓
翠苔世途輕白髮交態重黃川雲沈野色溪雨亂
泉聲野水帆歸浦秋山燒隔林雨餘一水當溪落嵐
淨千峯入戶低林隱曉嵐山半出湖添秋雨水平鋪
茶竈曉煙能野色現池秋雨洗溪聲白酒熟時留客
醉黃花開晚待詩催一樽酒盞空明月千里書來見
故人江上有詩楓落早籬東無酒菊開遲酒杯此別
憑誰共吟社他生得再回皆惋轉切情新越可喜
蘭陔詩話竹溪詩雅練遺逸無孺響弱調品格當在
開元大歷之間

田按竹溪詩鍊句選聲步武唐人有唐臨晉帖之似

寄姑蘇劉欽謨

清貧終不厭未老亦宜休楊柳閭門曉蒹葭震澤秋園蔬乘
雨種林葉帶霜收感慨應懷古題詩上虎邱

和王文偉韻

最喜投閒日尊鱸正及秋鐘聲林下寺燈影水邊樓老去仍
青眼吟多易白頭還思爲客處梧雨滴鄉愁

秋夜有懷寄楊大使

孤館涼風發長天白雁過旅魂秋易斷鄉夢夜偏多野曠雲
連樹江寒月浸波不知揚子宅秋興近如何

題湧泉巖

再入招提境蕭條異昔時流泉分古澗荒蕪上殘俸門掩花
空落人間鳥不知那能招惠遠重與話心期

題淨慈寺洪上人卷

爲客臨江館，尋僧到虎谿。
路深春草合，鳥散夕陽低。
呪鉢龍生雨，安禪燕落泥。
焚香聽說法，轉覺俗途迷。

除夕宿大雲院

巖風吹野樹，溪雨浸山田。
自汲烹茶水，誰供買酒錢。
苦吟方得句，多病只貪眠。
不管人間事，清閑過歲年。

偶成寄高尊卿

一春卧病掩荆扉，轉眼風光是葛衣。
江郭雨晴榕葉暗，土庄地煖豈花肥。
厭騎羸馬聽雞出，喜買扁舟載鶴歸。
欲把長竿釣明月，白雲占斷子陵磯。

寄余汝盛

八旱村園豆麥焦鑿池引水灌田苗籬疏野竹橫窗戶潮滿
春帆礙浦橋酌酒不愁無首藉揮毫深喜有芭蕉人生適意
應如此莫怪淵明懶折腰

琴川道中

斷雁聲寒隴日昏畫船撾鼓入孤村燈前感舊無髻劄枕上
思親有夢魂短髮尙紆新宦牒好懷都負舊琴樽題詩卻憶
山莊下風雨瀟瀟畫掩門

休息軒

亭小貯琴聲池清蘸花影曉日上窗紗幽人夢初醒

題畫

雪裏青山茅屋雨中芳草溪橋野艇空橫古渡滄江自落寒

湖

梅

歲晚行尋溪上春風遙憶隴頭何處一聲長笛月明醉倚南樓

送王生還金陵

故國征驂蹴曉冰別來春夢亦無憑回頭雲樹三千里何處關山是秣陵

闋思

別後衡門鎮不開年年春雨長莓苔東風似欲添離恨故引雙飛燕子來

途中憶錢塘

驛程迢遞路茫茫
夜聽城笳斷客腸
卻憶去年秋色裏
一帆疏雨過錢塘

賞菊

短籬疏雨正離披
淡白深紅朵朵宜
自計老年才思減
重陽過後不題詩

題出獵圖

騮馬駢弓意氣驕
平原雪淨草蕭蕭
西戎莫向雲中過
大樹將軍正射鵞

趙不易
一首

不易字秉庸
順德人有一德稿

楊柳雙禽

千樹垂楊繞汴堤錦帆去後草萋萋
迷樓紅粉俱塵土野鳥逢春空自嗟

湯琮一首

琮字碧庵金齒衛人

滇南詩略碧庵正統間與同郡陶甯張志舉程廣曹遇結詩社

鸚鵡

翠閣香閨帶綠陰忽聞靈舌轉嬌音
總將懷袖溫存意不稱
雲林自在心籠絡反因毛羽誤矜誇
休羨賦詞深隴山烟羽
春雉小莫遺虞羅著意尋

張志鴻南園漫錄郡有一士以所題鸚鵡詩告先人
先人嘗誦之云云此可以名湯鸚鵡矣惜遠地無與
張之也

陶甯一首

甯字致遠金齒衛人

滇南詩略劉大紳云陶公詩風致絕佳首開永昌風氣

卽事

杜宇枝頭百舌吟何人不動惜芳心
桃花紅雨梨花雪鋪得春愁一寸深

南園漫錄永昌五十年前時有爲詩者多可觀幼誦一絕句云云又題茶燈云草堂照破罨盞夢華屋燒殘肉食心如此之類甚多其人姓陶名甯與今爲社學師者異矣

邱吉三首

吉字大祐歸安人有順信齋集

田按永宜以來兩浙詩人多矜麗藻吳興則以邱大祐爲眉目時譽歸之以較劉菊莊馬浩瀾輩邱爲差

勝

呂山花園池亭

錦繡堆中着幔亭香蘭芝草雜春情黃鸝庭戶吹笙溢金鯽
池塘洗硯腥綠蟻不空銀鑿落雕闌長護玉娉婷何人爲倩
夸娥力移得東湖小洞庭

采蓮曲

細語呼人遠不聞水光搖蕩石榴裙一身肌骨無多重欲入
荷花化綠雲

寄館天甯寺

茶爐吹斷鬢絲煙借得禪林看鶴眠不道秋風何處起一堆
黃葉寺門前

賀麟一首

麟字文徵嘉興人

石門夜泊

驛路迢迢送夕陽
石門灣下泊連檣
買漁人喚溪邊棹
乞米僧歸竹下房
楓葉經霜時自落
羅衣臨水不勝涼
且沽樽酒澆離思
明日看山認故鄉

姚綸一首

綸字允言嘉善人有夢草編

題畫

風景蒼茫地人家
遠近煙雲低長礙
樹水遠欲浮天
白日消棋局
青山落釣船
平生蕭瑟意
對此轉相憐

陳昌二首

昌字穎昌平湖人有菊莊集

江湖勝覽

筆牀茶竈寄生涯來往煙波到處家
帆影拂雲過九澤猿聲
唳月下三巴黃陵廟古多春草
白帝城空有暮鴉寂寞不須
傷往事且沽尊酒洗梨花

暮春寄友人

風風雨雨過芳時斷送春光總不知
桃李野牆花落早靡蕪
江國燕來遲夜深檐溜寒無寐
日晏廚煙濕未炊裘馬踟躕
自年少獨慚衰朽困天涯

蘇大一首

大字景元林甯人

田按景元嘗輯洪武以來詩爲明正音惜不傳

山房睡起

柳草茸茸石徑斜竹籬茅舍帶江沙
晝長睡起多情思看遍
林陰商陸花

陸琦一首

琦字公璐嘉善人有友蘭集

題雲林訪友圖次陳漢昭韻

爲愛幽棲好乘閒一訪君
礪喧泉漱石林暝樹藏雲路
向山腰轉源從谷口分
坐探歸路晚天未有斜曛

李幾二首

戮字桓仲無錫人

過潘韞輝東園

爲愛東園好春來事事宜
藥名人不識花信蝶先知
晉帖臨青李商歌詠紫芝小車乘興往何必定幽期

幽居

狂簡難諧俗幽居頗自便
看雲常獨坐聽雨或高眠
字許隣人問詩從野老傳
久知山木喻細讀養生篇

懷悅一首

悅字用和嘉興人以納粟官通判有鐵松集

田按用和輯友朋倡和之作爲士林詩選四庫錄
入存目用和家擅園亭之勝邱大祐蘇秉衡輩爲遊
客賦詩贈答頗有顧阿瑛玉山雅集之風然用和不
及阿瑛遊客亦不及玉山之盛也

春興

花氣醺人似酒醕東風隨處掃香塵不知畫舫琵琶月載得
南湖幾度春

朱翰一首

翰字漢翔嘉興人有石田清嘯集

田按漢翔輯嘉興人詩爲構李英華可謂好事石田
集中詩如芳草有情隨處綠白鷗無事傍人閒帆隨
斷雁投荒浦家在寒塘掩暮雲山寺有僧
留共飯石杵無聲坐彈碁亦佳句也

送包山馬世用遊楚

鯉魚風急布帆輕酒盡離亭思不勝明月幾時經漢口好山
何處是巴陵擬將鄉信憑秋雁誰與蓬窗坐夜燈會晤未期
滄海遠曲闌從此爲君憑

周瑾 一首

瑾字汝成秀水人

感懷

紫燕銜泥巢已成
柳花入簾江雨晴
抱書卧病不出戶
空好一春花滿城

倪光 一首

光字應奎鄞人有味易詩集

甬上耆舊詩味易先生年八十生而舉殯擬陶公自
祭杜牧之志墓事懸像設奠延慶寺爲詩自挽羣公
俱屬和金太僕本清別蓋竹題一詩相寄曰先生舉
殯吾爲寫生其詩有言舉世稱高士關天合少微先
生得之大喜
其作遠如此

訪茅山張鍊師不遇

客中曾有約孤騎入茅山一水落天上亂雲生竹間花深溪
路遠松老洞門閒採藥不知處月高猶未還

章珍 二首

珍字文重鄞人

劉生

不事毛錐子談兵動主君開弓學明月射雁落黃雲桃葉迷
歌扇榴花醉舞裙遨遊五陵地結納李將軍

題鄭汝誠所藏山水圖

南山春雨晴西溪春水滿孤舟釣夕陽沙明綠蒲短

黎擴 一首

擴字大量臨川人以薦授貴池訓導遷蘇州教授有

學鳴稿

山茶

葉苦寒摧綠花愁雪妬紅自知榮遇晚不敢恨春風

張淵二首

淵字子靜歸安人有鴻墩集

史鑑西村集子靜長髯秀目儀貌樸野吳吳作湖語
見者未之奇及其微酣發興以手拄頰瞪目直視且
思且草俄盈十數紙人始嘆服
田按子敬嗜東坡詩號夢坡晚徙烏程水北又號水
北村農史明古稱其詩探隱摘微抉菟拾瑣居蓄委
積無所不有然後引而伸之大放於辭雲蒸川涌翕
張斂散激射旋轉殊形異態層見疊出觀者心顛目
憎不能言其狀子靜長篇拉雜明古狀之可謂酷肖
余錄其較
清穩者

次韻沈陶菴題有竹莊

愛汝石田茅屋好依然風物似斜川白蘋洲渚滄江外紅樹
園林夕照邊艇子打魚偏趁月山童洗藥每臨泉老夫欲問
東家住分取瓜疇數畝煙

次陳滄洲重陽韻

置卻功名土苴間滄洲長與白鷗閒到門秋水當天坐繞屋
蘆花帶雪關明月滿川惟載鶴清江一笛正看山祇慚碌碌
東西者贏得流年損壯顏

蔡昇二首

昇字景東吳人有西巖集具區百詠

吳定璋七十二峯足徵集景東輯太湖志王文恪采
掇爲震澤編著述甚富梓行者有西巖集具區百詠

楊白花

楊白花當青春飛去不飛來何處隨行塵宮院深深空愛惜
輕薄焉能定蹤迹江南江北千萬里茫茫春意無消息無消
息可奈何連臂美人朝夜歌曲調宛轉哀情多

馬蹟山

幾簇人家幾處灣灣灣石磴可躋攀小橋流水東西澗疊障
層雲上下山劉晏祠荒秋草碧吳王井廢雨苔斑釣船此地
尋鷗侶不憚煙波日往還

范麟一首

麟字文祥象山人

一 城市山林爲賢上人賦

招提城市裏風景似深村芳草欲迷路白雲常到門閒階留

鳥迹古木上苔痕隔水無多地從茲判寂喧

明詩紀事

貴陽陳田輯

乙籤

聶大年 十六首

大年字壽卿臨川人宣德末用薦爲仁和訓導遷常州教諭景泰初徵入翰林卒有東軒冷齋二集

水東日記聶大年詩三十年來作家絕唱也袁主事
衷愛其醉後跌起口占云老我不勝金谷罰傍人應
笑玉山頽王翰林稱其顛得明朝又風雨免教行李
出都門而吾友張筱菴喜其送僧十年湖海孤舟別
萬里雲霄一錫飛以爲不能忘之但未知大年曾以
此爲極致否大年詩翰著名於時不得預京銜或曰
大年嘗署桃符云文章高似翰林院法度嚴如按察
司以此見忤達官其然豈其然乎晚年被徵修前史
至京而卒子嘗比之梅聖俞宜也
懸笥瑣採王文端公直嘗以詩寄錢塘戴文進索畫

且自序昔與文進交時嘗戲作一聯至是十年而始
成之臨川公以十年不忘之心待天下之賢則天下
不忘也使公以十年不忘之心待天下之賢則天下
豈復有遺才哉語亦稍聞於公公置之不省後大年
舉爲史官困於讒議卧病逆旅自度不可起乃使所
親投詩於公家中二聯云鏡中白髮難饒我湖上青
山欲待誰千里故人分棗少百年公論蓋棺遊公得
詩泣下曰大欲吾銘其墓耳明日而大年卒公爲
墓志有曰吾以大年之言固爲正論公不以爲意至
乃止一校官耶大言之必能自振故人不擬薦而
泣而銘其墓真所謂休休有容者矣
因樹屋書影臨川公大年正統間爲仁和教諭子得
其遺詩一卷工於七律如一飯未嘗忘鉅鹿千金何
必學屠龍可憐弄玉歸天上誰遣崔徽在卷中老去
維摩長卧病重來蘇晉愛逃禪故鄉夜雨燈前路如天
國秋風病後容白馬祠前湖似雪碧雞坊外路如天
露非曠分澆藥水容鋤子香帶種花泥鐵馬渡河冰已
合金笳吹月夜無風柏子香消春夢覺梨花門掩雨
聲寒聽經白晝來山鬼呪食清齋起鉢龍綠水盪船
春繫纜緜紗銀燭夜登樓荷葉清齋起鉢龍綠水盪船
散野田秋杖龍化去秋池涸笙鶴歸來夜月寒皆足
以傳

西湖遊覽志餘薛大年襟懷坦率有清才文章流麗詩復俊逸而灑翰得李北海遺意
詹氏小辨大年書法趙承旨俊爽可愛
田接臨川甘彥初以律體見長壽卿古詩不多見豈
挹其流風耶東軒集詞新調爽竹垞議其平熟非公論也

答友人

老去微官欲避名感君攜酒款柴荆吟邊白髮三千丈雨裏黃鸝四五聲更喜折花臨水坐還來倚杖看雲生鼎湖聞說幽居好學得龐公不入城

過六橋

平生踪跡半四海此日重來問六橋山靄拂衣晴冉冉水風吹面晚蕭蕭江山勝概餘孤寺廢谷遺民見五朝惟有老僧知客意茶瓜留話數相招

飲求上人滴翠軒

迴抱岡巒千萬峯上方臺殿隱疏鐘聽經白晝來山鬼呪食
清齋起鉢龍門外大迎曾宿客塔前雲護舊栽松寄聲翠樾
堂中老如此佳遊未易逢

送邱上人還洪都

師住章江門外寺聞來飛錫訪名山便從西竺傳經去且趁
南風鼓棹還花雨飄從天上下月波移在殿中間蒲團一榻
曾分我消得茶瓜半日間

留別隆上人

塵世繁華轉眼空結菴聊住萬山中曾將一偈酬靈澈卻笑
三年別遠公持鉢曉分龍女供過湖還趁鯉魚風相思回首

意無限霜落滿林秋葉紅

過德清懷趙子昂

朱朝冠蓋多陵寢尚憶王孫玉雪標何處野煙生筆塚一溪
春水長蘭苕烏絲小楷俱零落大雅遺音久寂寥莫向吳中
歌此曲水晶宮殿冷蕭蕭

遊龍翔宮

蓋宮琪樹罷棲鸞空有玄都太乙壇野老不尋爐玉訣山人
自製切雲冠杖龍化去秋池涸笙鶴歸來夜月寒前度劉郎
偏好事種桃留與後人看

讀楊廉夫集

文章五色鳳之雛酒借詩豪膽氣蕪白髮草玄楊子宅紅粧

檀板謝家奴金鈎夢遠天星墜鐵笛聲寒海月孤知爾有靈
應不死滄桑更變問麻姑

列朝詩集七修類稿曰廉夫母夢金鈎入懷而生別號鐵笛道人晚年避亂松江之泖湖謝伯理家蓄四妾名草枝柳枝桃枝杏花皆善音樂每乘畫舫恣意所之豪門巨室競相迎致大年之作能敘其寔今集中無也

酬王司訓雲箋之貺

獨倚東風有所思霜紉小帖寫唐詩多情欲爲秋娘賦老卻
江南杜牧之

和周鼎京師雜詩

斗帳方床不動塵梅花夢繞故園春西湖多少閒風月盡屬
扁舟載酒人

春草

平原歸路暗迴汀
細雨和煙煖更生
野火年年燒不盡
爲留春色醉蜻蜓

次彥昭無題

歌扇舞衫空自好
行雲流水本無蹤
琵琶欲寄相思調
人隔巫山十二重

五月二日胡孝子水亭

綠樹重陰掃不開
水心亭子絕纖埃
翻疑身在西湖上
只欠扁舟賣雪來

題王牧之先生梅

醉騎款段踏晴沙
吟訪西湖處士家
新樣越箋三萬幅
題詩

大半爲梅花

夏日小窗睡起書懷

窗前修竹兩三竿蒼翠尤宜雨後看俗客不來門自掩水禽
唳過石闌干

題宋高宗遺墨

摩挲五十四驪珠絕勝滕王蛺蝶圖惆悵彩雲飛不盡至今
遺恨滿西湖

王遠一首

遠字致道錢塘人有蘭芷集

班姬

玉釐聲麟麟君恩雨露新秋風朝暮起紉扇暗生塵

劉泰 五首

泰字士亨錢塘人有菊莊晚香諸集

藝林伐山菊莊劉士亨詠山茶云小院猶寒未煖時
海紅花發景遲遲半深半淺東風裏好是徐熙帶雪
枝蓋海紅卽山茶也古詩亦有淺爲玉茗深都勝大
曰山茶小海紅
蓉塘詩話劉後村潛夫詰猶詩云古人養客乏車魚
今汝何功客不如飯有溪魚眠有毯忍教鼠嚼案頭
書蓋有諷乎在位者國朝劉士亨亦有詠貓絕句云
口角風來游荷香綠陰庭院醉斜陽向人只作狎
勢不管黃昏鼠輩忙亦潛夫意也士亨又嘗題詩於
南屏淨慈寺壁有云虎熟不驚團社客鷗閒嘗送過
湖僧時按察使泰和曾蒙簡見之笑謂寮案曰是乃
譏我輩也
田按士亨詩爲竹垞痛詆余錄數絕句亦殊楚楚有
致

豐樂樓

層樓高處宴王孫湖上青山落酒尊三百年來春一夢月明

還照湧金門

小景

隔岸峯巒過雨新
桃花水煖碧潏潏
誰家艇子閒來往
只戴春光不戴人

春日湖上二首

浴鵝灣頭盃漿過
雨聲昨夜漲湖波
落梅天氣寒偏峭
未許春風試薄羅

步逐東風踏輦沙
背人鷺鷥去斜斜
兩株紅杏疏籬外
知是湖村賣酒家

秋鶯

紫陌曾聽駐馬蹏
王孫金彈杏花西
秋聲不似春聲好
莫戀

斜陽儘意嘯

馬洪 一首

洪字浩瀾仁和人

田按馬浩瀾菊莊弟子王元美評其詞學有出藍之美

續遊仙詩

玉案珠簾翡翠屏
焚香夜誦蕊珠經
月明鸞背飛瓊過
小駐花陰帶笑聽

劉英 二首

英字邦彥錢塘人有賓山集
蕉雪稿竹東小編湖山

詠錄

西湖遊覽志餘劉邦彥善詩翰隱居不仕遊湖山名振遠近吳興邱天祐贈詩云慚愧無瓊報木桃論

文惟覺醉醕醕昔年公幹名先重今日相如賦最高
酒畔吳歌紅線毯袖中章草紫霜毫風流更在諸公
上日日題詩付薛濤
田按錢塘馬浩淵劉邦彥詩詞妍麗揚翟存齋之餘
波劉較馬
似爲勝也

同客過湖

山繞重湖寺遶山天留圖畫在人間路從烏柏林邊轉船近
黃妃塔下灣歲月祇隨華髮改煙波空付白鷗閒當歌不耐
傳觴促獨俯寒波照醉顏

載酒過湖

船頭斗酒配雙柑坐聽黃鸝漱晚酣湖上有山山有寺人生
只合老江南

劉師邵六首

師邵字師邵紹興山陰人積子有半齋集

送張孝廉之京

別離知不遠情至亦潸然樹引投京路鷗隨出浦船去程秋
雨裏歸夢曉霜前親舊如相問卑樓似往年

贈開光寺隆上人

自向前塘住相將廿載餘息來諸妄斷老去萬緣疏洗竹通
幽徑攀藤補弊廬時時得佳句還向壁間書

寄王內悅先生時方待詔公車

鰲背神山接絳霞每瞻辰極想京華祥煙色借宮城柳湛露
香浮御苑花天樂迴傳雙鳳闕雲綬遙駐六龍車明光奏技
多如雨應數王褒頌最佳

畫竹

誰弄參差管聲悲引恨長夜深龍起聽明月滿瀟湘

小畫

雨餘溪樹涼落日水清淺浩歌歸去來心隨楚雲遠

秋塘

煙水微茫藻遠愁采菱歌斷夕陽收鷺鷥不省紅衣老猶戀
銀塘十里秋

錢洪一首

洪字理平常熟人有竹深遺稿

初夏書懷

黃鸝嗁煖隔江村嫩綠團陰暗小門昨夜茅檐雷過雨階前

添箇籀龍孫

趙宗文 一首

宗文名文以字行長洲人官鄱陽知縣有慎獨齋集

田按宗文金山寺一篇可
稱高唱傳詩不在多也

金山寺

水天樓閣影重重化國何年此寄蹤
淮海西來三百里大江中
湧一孤峯濤聲夜恐巢枝鳥
雲氣朝隨出洞龍
幾度欲登帆去疾蒼茫遙聽隔煙鐘

陳贇 四首

贇字惟成餘姚人以薦授訓導入爲翰林待詔遷廣
東參議進太常少卿有蒙菴集和唐音稿西湖百詠

四庫總目西湖百詠二卷宋董嗣杲撰附明陳贊和韻詩皆七言律體每題之下各注其始末甚詳頗有宋末遺聞爲諸書所未載者嗣杲詩格頗工整贊所和才力少弱亦足肩隨皆迴在詩向華亭百詠之上也田按永宣間張式之好和古人詩有和唐音及和李杜詩各十餘卷惟成亦有和唐音稿及和宋董嗣杲西湖百詠王襄敏彙錄之士集中有和唐三體詩習俗移人賢者不免惟成詩品與式之差堪伯仲

劉如墓

在方家峪鳳凰山下襄親崇壽院後紹興中思陵敕葬如子於此

煙草萋迷石獸眠生前應沐寵恩偏芳魂寂寂依何處幽魄沈沈闕夜泉水鳥競巢神路柏雨苔深騎饗堂磚一坏誰奠清明酒只有楊花鋪白氈

聚景園

在清波門外阜陵致養北宮拓圃西湖之東斥浮屠
之廬九曾經四朝臨幸繼以諫官陳言出郊之令遂
絕園今荒圯惟柳浪橋花光亭存

聚景依稀舊蹤阜陵曾養此園中花光柳浪名還在鳳輦
霓旌事已空金井梧桐愁夜雨碧闌芍藥怨春風如今倚杖
閒回首霜葉離離映水紅

留別顧明府

滄江春雨餘離離汀樹濕樽酒不成歡東風去帆急

竹枝詞

月落梯歸呢樹頭巴江日夜自東流百丈牽船上灘去風波
節節替郎愁

楊軾一首

軾字軾同餘姚人

僧房雞冠花魚字韻

絳績昂藏錦不如
臨風欲鬪又躊躇
若教夜半能三唱
鷲起山僧打木魚

汪敬一首

敬字思敬祁門人有養浩齋稿

倣陶儲體

斜光在高樹
歸鳥何喧喧
池月漸東上
參差林影偏
清風松下
來白雲巖際
還心知不可見
此意誰與言

沈宣一首

宣字兩山仁和人

蠻

郭索橫行逸氣豪
秋來興味滿江皋
玉缸十斛醪醲酒不待
先生賦老饕

應律一首

律字志和黃巖人以薦授郡學訓導改蘭陽遷郡陽
教諭有復菴稿

三月六日泛江

番江江水夜來生
乘興相攜載酒行
芳草連天春欲暮
落花滿地雨初晴
近人白鳥忘機事
滿眼青山不世情
倡和流連歸去晚
東風淡宕片帆輕

羅宜 一首

宜字從可南城人景泰初以薦爲南豐訓導

雲門寺

長歌康樂詩遠訪麻源谷
逶迤山竇深綠繞邨路曲
憇坐雲門幽淨埽苔階
綠飛橋卧晴虹奔流漱寒玉
銅陵故無恙華子今不復
瞻彼釣魚臺緬想藏書屋
勝跡半日非遊觀駭心目
居人巢雲松瀟洒異塵俗
開樽暢雅懷題詩繼芳躅
一笑澹忘歸斜陽下山麓

潘寶 一首

寶字時用無錫人

暮春過南浦

江上人家春水西桃花短短壓牆低
可憐十日東風惡紅雨

滿林唳竹雞

黎近 二首

近字之大臨川人宣德間應文學材行科除高要知

縣有未齋稿奉心集

江西人物志黎近知高要縣時瑤賊據城東南郡不能制近爲榜文諭降之被誣秦逃繫獄十年作大明饒歌鼓吹曲十二章太平頌幸太學頌二章獻之英廟嘉歎命釋之召見獻麒麟白象二頌上欲處之禁林爲忌者所出

黃源寺

檐影沈沈深數層古苔新竹別來增
尋詩自有談空客結社
今無出世僧石澗水香春洗鉢花臺
風細夜籠燈老來賸有

登臨興柱斷巖溪幾尺藤

羊角山

自昔桃源隔市廛誰知城市有神仙
積花洞口疑無地賣藥壺中別有天
萬里玉書黃鶴外九關金鎖白羊邊
烏衣燕子槐安蟻世事曹騰幾百年

徐琦

一首

琦字德用吳人

客中有懷柬周巽菴陳未菴

漢陽城北水東流楓葉蘆花萬里秋
白雁未傳鄉國信碧雲空結海天愁
吳中文翰推洪道江右詩名數太邱
幾度蓬窗望奎璧光華還自燭南州

徐璉 一首

璉字德熙吳人

登金山寺

一峯玉立大江中絕頂登臨四望通
淮甸有山皆向北南徐無水不流東
樓臺影落波心月鐘鼓聲傳渡口風
明日仙凡便相隔海天千里放歸篷